

Carta a los HEBREOS

Ī macu suorine ĩ ocare Dios ĩ gotimasiore queti

¹ Tirũmũju cojoji me mani ñicũare Hebreo masare ĩnare gotimasioñuju Dios. ĩre gotirẽtobosariarã suorine ĩnare gotimasiñuju ĩ. ĩna gotise rĩ me ĩnare yimasiomasiñuju. Gajeye quẽne, ricati ĩnare ĩ yiroticõamasire rãca ĩnare yimasiomasiñujarã. To bajiri, “To bajiro tũoĩagũ ñagũmi”, yimasiñujarã ĩna, mani ñicũa. ² To bajiri yucũrirema, Dios ĩ macũre manire ĩ cõajare, quẽnaro Diore masiaja mani. Macarũcũro, õ vecaye ñajediro ĩ macu suorine tire rujeo-masiñuju Dios. ĩ macũne ñaami, “Jediro macarũcũroayere cũorũcũja mũ” ĩ yimasir'i. ³ Dios macũre ajitirũnrã ĩre masirã ñari, “Rẽtoro ñamasugũ ñagũmi Dios”, yimasiaja mani. Diore masirã ñarãma ĩ macũre masirã. ĩ macũre quẽnaro masicõari, “ĩ jacũre bajirone bajigu ñagũmi”, yimasiaja mani. ĩ macũne ñaami, “Adi macarũcũroaye bajimũorũgõato” yirotimasir'i. ĩne ñaami, Diore ajitirũnrã rojose mani yise vaja manire rijabosacõari, Diorãca ñajedirore rotigu.*

“Ángel mesa rẽtoro ñamasugũ ñaami Dios macu”, yire queti

⁴ To bajiri adirũmũri Diorãca rotigu ñari, Diore moabosarã ángel mesare rẽtoro ñamasugũ ñaami Dios macu. ⁵ ĩ sũgũne ñamasugũ ĩ ñajare, ado bajise ĩre yiyumi Dios: “Adirũmũne yũ macu ñari, yure bajiro rotisũorũcũja mũ”, ĩre yimasiñuju Dios.

* 1:3 Jn 1.1-3.

Ángel mesarema, to bajiro ñnare yibesumi Dios. Gãjerãre quêne, ti ùnire yibesune ï macu sîgũrene tuoïagũ, ado bajiro yiyumi Dios:

“Ï jacu ñaja yu. To bajiri yu macu ñaami”, ïre yiyumi.

⁶ Ï macu ñamasugũre, adi macarucurojũre ïre cõagũ, ado bajise ïre yiyumi:

“Ángel mesa quêne mure rûcubuo jedicõaruarãma ñna”, yiyumi Dios.

⁷ ïre moabosarimasa ángel mesare yigũ, ado bajiro yiyumi Dios:

“Ángel mesare yu rotijama, yoaro me mino ti vēatuvasere bajiro yoaro mene yũre cudiruarãma. To yicõari, jea ñjũse guaro ti ñjũjẽnirore bajiro yũre moabosaruarãma ñna”, yiyumi Dios, ángel mesa ïre ñna moabosarotire yigũ.

⁸ Ï macu ñamasugũre yigũ, ado bajirojũa yiyumi Dios:

“Yu macu ñari, Dios ñaja mũ. Mũ rotise jedibetirũaroja. Masare mũ rotijama, yu bojarore bajirone quẽnaro rotirũcũja mũ.

⁹ Yu bojarore bajiro quẽnaro yigũ, rojosejũarema yibetirũcũja’ yitũoïarũgũcãju mũ. To bajiro yicacu mũ ñajare, ‘Gãjerã rẽtoro ñamasugũ ñaja’ mure yaja yu. To bajiro mure yu yijare, bũto variquẽnaja mũ”, yiyumi Dios, ï macũre.

¹⁰ Quẽna gajeye ado bajise yiyumi Dios, ï macũre yigũ:

“Rẽmojũne adi macarucurore rujeomasicãju mũ.

¹¹ Mũ rujeomasicati jedirone ti jedicoaboajaquêne, mũjũama, ñacõa ñarũgũrocũ ñaja mũ, Dios ñari.

¹² Sudi ñna sãñasũosere vejecõari, gajeye quẽnase ñna vasoasãñarore bajiro, adi macarucuro ñase ti jedirore quẽna gajeye vasoarũcũja mũ. Mũma, rijabetirocũ ñari, mũne ñacõa ñarũgũrũcũja mũ”, ï macũre yiyumi Dios.

¹³ Quēna, ĩ macu sĭgũrene ado bajise yirũcũbuoyumi Dios: “Rũcũbuoriajare rujiya maji. Mũre ĩaterãre, ‘Rojose yitũ-jaya’ ĩnare yũ yiro bero, rojose yimasibetirũarãma. To cõrone rotisũorũcũja mũ”, yirũcũbuoyumi Dios, ĩ macũre.

Ángel mesarema, to bajiro yibetimasĩnju Dios. ¹⁴ Ángel mesama, ruyumena ĩre moabosarã ĩ cõarã ñarãma. To bajiri, Diore ajitirũnurã õ vecajũ quēnaro ĩ rãca ñaronare ejarẽmorã ñarãma ángel mesa.

2

“*Ĭ macu* suorine quēnaro manire Dios ĩ yiotire ajitirũnu tũjabetiroti ñaja”, yire queti

¹ Dios macu ñamasugũ ĩ ñajare, ĩ ocare butobusa ajitirũnto mani, tire mani ajitirũnu tũjajama, “Quēnaro manire Dios ĩ yiotire masiriticõari, rojose yirobe” yirã. ² Tirũmũju ángel mesa suorine, Dios ĩ rotimasire Moisére ejamasĩnju ti. Tire, “Dios ye masu ñañuja”, yimasijaja mani. Tire cũdibetimasiriarã ñaboarine, rojose Dios ĩ yiotire masicõari, bojabetimasĩnũjarã. To bajiro bajirã ñaboarine, rojose tãmũo jedicõamasiñũjarã ĩna. ³⁻⁴ To bajiri Dios ĩ yirere masiboarine, ĩ rotimasire rẽtoro quēnasere mani ajitirũnu tũjajama, “No bajirojũa yicõari rojose manire yibeticõato Dios”, yimasibetirũarãja. Rẽmojũne mani mũj Jesús ñañuju, adirodori Dios ĩ yarãre quēnaro ĩ yiotire gotisũor'i. ĩre ajiriarã, ti ocare manire gotirẽtocama ĩna. To yicõari, Dios suorine jairo ĩaĩañamanire manire yĩocama. To yicõari, Dios ĩ bojarore bajiro ĩna yimasirotire yigũ, tocãrãcũrene ricati rĩne ĩ masisere ĩnare mũjoyumi Esp'iritu Santo. To ĩ yijare, manire quēnaro gotimasiocama ĩna. To bajiri, “Cristo oca socase mene bajijaja ti”, yimasicoacajũ mani quēne.

Jesucristo manire bajigũ ĩ ñare queti

⁵ Diore moabosarã, ángel mesarema, “Adi macarucuro jedirore rotiruarãja mña”, ñnare yibesuju Dios.

⁶ Masajuarema, “Adi macarucurore rotiruarãja mña”, ñnare yimasiñuju. Sígũ, Diore ñ sênirere ucagu, ado bajise ucamasiñumi:

“Dios, ¿no yigu ñamasurã me yña ñaboajaquêne, yñare masiritibeati mñ?”

⁷ “Ángel mesare bajiro bajibeticõato’ yigu, ‘Ñamasurã me ñaruarãma’, yñare yiyuja mñ. To bajiro yñare yicũr’i ñaboarine, ‘Ñamasurã ñato’ yñare yicũñuja mñ quëna.

⁸ “Adi macarucuro ñase jediro mñ cũrere rotimasiato’ yigu, yñare cũñuja mñ”, yucamasiñuju sígũ, Diore sênigũ.

“Noajuane masare cudimena maniruarãma” Dios ñ yire ti ñaboajaquêne, ñajediro manire cudijedibeamã maji.

⁹ To bajiboarine, sígũ adi macarucuroaye jediro rotimasigũre masiaja mani, Jesús vãme cutigũre. Ñ bajirere ado bajiro masiaja mani: Ángel mesa rëtoro ñamasugũ ñ ñaboajaquêne, “Yoaro meaca ñamasugũ mere bajiro bajirucumi” yigu, adigodojũre ñre cõañumi Dios. To bajiro ñ yicõar’i ñari, manire rijabosayumi Jesús. Rojose tãmucõari, ñ rijabosare ñajare, “Jediro cju ñamasugũ ñarucumi”, ñre yiyumi Dios.

¹⁰ Adi macarucuro ñase jediro Dios ñ rujeore ñaja. Quënarõ ñ rotimasijare, adi macarucuro bajise jediro bajiñarũgũaja. Jediro Jesucristo sũorine, “Yñ yarã ñaama” Dios ñ yïarã, “Yñ tujũ ejamasiruarãma”, ñnare yiyumi Dios. To bajiro yigu ñari, “Rojose ñna tãmuborotire yirëtobosaaya” yigu, ñ macũre cõañumi Dios. To bajiro ñ yiroticõajare, rojose tãmucõari, manire rijabosayumi Jesucristo. ¹¹ To bajiri, Jesúrãca ñarã ñari, sígũ rñare bajiro bajirã ñaja mani. Mani quêne, Dios rña mani ñajare,

bojonebecune, “Yu bederã ñaama”, manire yigumi Jesús.

¹² To bajirone gotiaja Dios ocare masa ñna ucamasire:

“Mu bajisere yu bederãre ñnare gotirucuja yu. Ñna rãca rējacōari, mure variquēnarã, basaruarãja yu”, yigotiaja.

¹³ Quēna gajeye ado bajise gotiaja, Jesús Diore ñ yiro tire yiro:

“Yure ejarēmorcumi’ Diore ñre yituoñaja yu”, yigotiaja.

Quēna gajeye, ado bajiro gotiaja:

“Yu rñare bajiro bajirã ñaama’ Dios ñ yicana rãca adoju ñaja yu”, yigotiaja, Jesús ñ yiro tire yiro.

¹⁴ Mani, Dios rña, sīgũre bajirone ruju cuti, ri’i cuti bajiaja mani. To bajiri, Jesús quēne, Dios macu ñaboarine, manire bajirone ruju cuticōari, manire rijabosayumi. To bajiro ñ bajijama, ñ rijabosase suorine rojose tãmuotuja-betiriaroju masare vãti ñ varotiboasere tire tegu bajiyumi.

¹⁵ Adi macarucuro ñnarã rojose yirã ñnari, bajireacōari bero, “Rojose yiecoruarãja” mani yituoñagũiboarere “To cōrone gũitujato ñna” yigu, manire rijabosayumi. ¹⁶ To bajiri, “Ángel mesare ejarēmogũ bajiyumi Jesús”, yibeaja mani. Ado bajirojua yimasiaja mani: “Diore Abraham ñamasir’i ñ tuoñiarore bajiro tuoñarãjuare manire ejarēmogũ bajiyumi”, yaja mani. ¹⁷ To bajiri manire bajiro ruju cuticōari rojose tãmuoñumi Jesús. Adi macarucuro ñagũ paia uju ñ ñagōbosaro rētoro ñ jacu ñ ñaroju ñ rijabosariarãre “Ñagōbosagusa” yigu bajiyumi Jesús. Dios ñ ñajama, masa ñna bajisere quēnaro gotirētobosagu, to yicōari masa rojose tãmuorãre ñnare ñamaigũ ñañumi. Ñne ñañumi masa rojose ñna yise vajare “Ñnare masirioato Dios” yigu, rojose tãmuocōari, ñnare yirētobosar’i. ¹⁸ Cojojirema Dios ñ bojarore bajiro ñ yise, buto josarũgũñuju ti, Cristore. To bajiri rojose tãmuoñuju ñ. To bajirone bajiaja manire quēne. Manire bajiro bajir’i ñnari, Diore mani cãdiroti ti

josajama, manire ejarēmomasiami Jesús, “Yure bajiro ñna quēne, Dios ñ bojasere yato” yigũ.

3

“*Moisés* rētoro ñamasugũ ñagũmi Jesús”, yire queti

¹ To bajiri, “Jesús manire ejarēmogũ ñaami”, yimasijaja mani. Manijũa, “Dios ñ ejarēmose rãca Cristore ñre ajitirũnũroti ñaja” yimasicõari, ñre cũdirã ñaja mani. “Yũ yarã ñato” Dios ñ yiriarã ñaja. Jesújũa ñagũmi, “Masare quēnaro yũ yirotire gotiba” Dios ñ yicõar'i. To bajicõari, tirũmũju paia mũjarã ñna yisũoadimasire ñnũre yigũ, Cristo quēne rojose mani yisere “Masirioato Dios” yigũ, manire sēnibosagu ñagũmi. To bajiri, “Ñamasugũ ñagũmi Jesús”, yitũoĩato mani. ² Adi macarũcũrojũre ñagũ Dios ñ rotirore bajirone yigũ, Dios yarã masare quēnaro ejarēmoñumi Jesús. To bajirone yimasijũju Moisés ñamasir'i quēne. Dios ñ rotirore bajirone yigũ, Dios yarãre quēnaro ejarēmomasijũju. ³⁻⁴ Quēnaro ñnare ejarēmomasir'i ñaboarine, “‘Rojose mana ñaama’ Dios ñ yĩarã ñato”, yimasibetimasijũju. Jesújũaama, “‘Rojose mana ñaama’ Dios ñ yĩarã ñato”, yimasigũ ñaami. To bajiro yigũ ñ ñajare, Moisés ñamasir'i rētoro Cristore rũcũbũoroti ñaja. ⁵ Moisés ñamasir'ijũaama, Dios moarimasũre bajiro bajimasiũju. To bajicõari, Dios ñ yirotirore bajirone cũdigũ, Diore ajitirũnũrãre quēnaro ejarēmogũ ñamasijũju. To bajiro ñ yimasirere tũoĩacõari, “Cristo sũori Dios manire quēnaro ñ yirotire gotimasioigũ yimasijũmi Moisés”, yimasijaja mani. ⁶ Cristojũaama, Dios moarimasũre bajiro me bajiyuju. Ñ ñaami Dios macũ, ñ rotirore bajirone yigũ. To bajicõari, Dios yarã mũju ñaami Cristo. “Cristo sũori quēnaro Dios ñ yirotire yiecorũarãja mani” mani tũoĩatũjabetijama, ñ yarã ñacõa ñnarũgũrũarãja.

“*Diore ajitirũnu tujabesa mua*”, yire queti

⁷ To bajiri Dios yarã ñari, Cristore ajitirũnu tujabeticõato mani. Dios ocare masa ñna ucamasire Dios yarãre gotigu, ado bajiro yimasiñumi Esp'iritu Santo:

“Yucane muare yu gotisere mua ajijama, yu yirotirote bajiro cadiya.

⁸⁻⁹ ‘Mure ajitirũnumenaja yua’ yibesa. Mua ñicua yure jũnisinicõari, ñna cudibetimasicatire bajiro bajibesa mua. Mua ñicua, masa manojũ ñna ñacudiro, juarã masa cõro ñaricũmari ñañamanire ñnare yiõrũgũboacaju yu. To yu yiboajaquene, yure ajirũcubũomena ñari, ado bajise yirũgũcama ñna: ‘Mani bojasejua mani yijama, ¿no bajise manire yirotari Dios?’ yirũgũcama ñna.

¹⁰ To bajiro ñna yisere jũnisinicõari, ado bajise ñnare yicaju yu: ‘Yure ajiterũgũaja mua. To bajiri, “Ado bajiro tũõĩagũ ñagũmi”, yure yimasibeaja mua’, ñnare yicaju yu.

¹¹ Quena gajeye ñnare goticaju yu: ‘Riojo muare gotiaja yu. Yu rãca quẽnaro mua ñasere bojaboacaju yu. To bajiboarine cojoji me mujua yure mua ajibetijare, yu rãca quẽnaro ñabetiruarãma’ yicõacaju yu”, yigotimasiñumi Dios ñ cõagũ Esp'iritu Santo.

¹² To bajiri mani ñicua Diore ñna ajitirũnu tujamasiri-
arore bajiro bajibesa yu yarã mua. Sĩgũ mani yu, “Dios ocare socase ñaja” ñ yisere ajicõari, quẽnaro ñre gotimasioña, “Masirẽtogũ Dios yere ajitirũnu tujaromi” yirã. ¹³ Dios ocare gãmerã gotivariquẽnaña mua. “Maji busiyu gãmerã gotiroti ñaroja”, yitũõĩabesa, mua rãcana sũgũri vãti ñ rotisejua cõdicõari, “ ‘Dios oca socase ñaja’ yiroma” yirã. To bajiri tocãrãcarũmune gãmerã goticõa ñarũgũroti ñaja muare, “Tire ajitirũnu tujabeticõato” yirã. ¹⁴ Tirũmujũ, Cristore ñre mani ajitirũnusucatore

bajirone ĩre ajitirũnucõa ñaroti ñaja manire. To bajiro mani bajicõa ñajama, mani bajirearo berojũ õ vecajũ Cristo rãca quẽnaro ñacõa ñarũgũrãrãja mani.

¹⁵ Tĩre mũare yũ gotirote bajirone gotiaja Dios ocare masa ĩna ucamasire:

“Yucũne mũare yũ gotisere mũa ajijama, yũ yirotirote bajiro cudiya. ‘Mũre ajitirũnũmenaja yũa’ yibesa. Mũa ñicũa yũre jũnisinicõari, ĩna cudiбетimasicatire bajiro bajibesa mũa”, yigotiaja Dios ocare masa ĩna ucamasire.

¹⁶ Mani ñicũa ĩna bajimasirere tuoĩaña mũa quẽna: ¿Ñimarã ñañujari Dios ĩ masune ĩ gotisere ajirã ñaboarine, cudiбетiriarã? Egipto sitajũ ñarãre, Moisés ĩ ũmato variarãne bajiyuma. ¹⁷⁻¹⁸ Juarã masa cõro ñaricũmari, Diore ĩna cudiбетijare, bũto jũnisiniñuju Dios. ĩnare jũnisinicõari, ado bajiro ĩnare yimasĩñuju Dios: “Riojo mũare gotiaja yũ. Quẽnari sitare mũare yũ ƣjorũaboacatore ejabetirũarãja mũa”, ĩnare yimasĩñuju Dios. To bajiro ĩ yire ñajare, ti sitajũ ejamenane, masa manojũ ĩna ñacudimasiriarojũne bajireacoamasĩñujarã ĩna. ¹⁹ Tĩre ajicõari, “Diore ajirũcũbũobetiriarã ñari, ti sitajũre ejabesuma”, yimasiaja mani.

4

¹ To bajiri mani ñicũa ĩna bajiriarore bajiro bajibeticõato mani. “Yũ yarã, yũ rãca quẽnaro ĩna ñasere bojaja yũ” ĩnare Dios ĩ yiriarore bajirone yami, manire quẽne. To bajiri, quẽnaro gãmerã ejarẽmoto mani, “Mani jedirone, Diorãca quẽnaro ñacõa ñarũgũrãsa” yirã. ² ĩnare Dios ĩ yimasĩboariarore bajiro manire quẽne quẽnaro ĩ yiotire ajicajũ mani. Mani ñicũajũama, Dios ocare ajirã ñaboarine, ĩnare ĩ gotiriarore bajiro ĩna bajibetijare, “Tojũ ñarũarãja” ĩ yimasĩboariarojũre ejabetimasĩñujarã. ³ Manijũama, Diore ĩre ajitirũnũ tũjabeticõato mani. ĩre ajitirũnũrã rĩne

ñarãma quẽnaro ã rãca ñarona. To bajiro ti bajijare, ado bajise ãnare gotimasiñuju Dios, mani ñicũare:

“Riojo mũare gotiaja yũ. Mũare buto jũnisinicõari, yũ rãca quẽnaro ñabetiruarãja mũa”, ãnare yimasiñuju Dios, ãre ajitirũnũbetiriarãre.

To bajiboarine adi macarũcũrore rujeogujũne, “Masa yũ beserã rãca quẽnaro ñarũcũja yũ”, yitũoĩacõamasiñuju Dios. ⁴ To bajiro ã yimasirere masiaja mani, Dios ocare masa ãna ucamasire ado bajise ti gotijare:

“Adi macarũcũro ñase jedirore rujeojeocõari, cojomo cõro, gaje ãmo, jũa jẽnituarirũmũre quẽnaro ñacõamasiñuju Dios”, yigotiaja Dios ocare masa ãna ucamasire.

⁵ To bajiri, “Yũ ñarore bajirone quẽnaro yũ rãca ñaruarãma” ã yiboarere ãna ajitejare, ado bajiro ãnare yimasiñuju Dios:

“¡Yũ rãca quẽnaro ñabetiruarãja mũa!” yimasiñuju.

⁶ “Yũ rãca quẽnaro ñato ãna” yigu, Dios ã yimasirere ajiriarã ñaboarine, ã rãca quẽnaro ñabetimasiñujarã ãna. To bajiboarine, masa rãca quẽnaro ã ñarotire bojacõa ñaami Dios. ⁷ To bajiri mani ñicũa ñamasiriarã ã gotirere ajitemasiriarã bero yoatojũ David ñamasir'i Diore ajicõari, ado bajiro ucamasiñuju:

“Yucũne mũare yũ gotisere mũa ajijama, yũ yirotire bajiro cũdiya. ‘Mũre ajitirũnũmenaja yũa’ yibesa mũa”, yucamasiñuju David ñamasir'i, Dios oca tutijũ.

⁸ Diore ajitemasiriarã ãna bajireajediro bero, ãna rĩa ñamasiriarã mani ñicũare ãnare ãmato vamasĩñuju Josué ñamasir'i, Dios ãnare ã mũjomasiriarojũre. Tojũ quẽnaro ñamasiñujarã ãna mani ñicũa. Quẽnaro ñaboarine, Diorãca quẽnaro ãna ñabetijare, ado bajiro yimasiñuju Dios: “Yucũne mũare yũ gotisere mũa ajijama, yũ yirotire

bajiro cūdiya”, ñnare yimasiñuju quēna. ⁹ To bajiri m̄are ȳa gotisere ajicōari, ado bajiro ajimasirāja m̄a: “Dios yarā, ñ rāca quēnaro ñna ñacōa ñarotire bojacōa ñagūmi”, yimasirāja m̄a. Diorāca quēnaro mani ñnase ado bajiro bajiaja: Dios adi macarucurore rujeogajanocōari, quēnaro ñacōamasiñuju. Tire bajirone bajiroja, Diorāca quēnaro mani ñacōa ñnase quēne. ¹⁰ Adi macarucuro ñnase jediro rujeogajanoacu, ñ bojarore bajiro ti bajirotire masicōari, quēnaro ñacōamasiñuju Dios. Ñre bajiro quēnaro ñnarucumi, “Ado bajiro m̄a yijama, ȳa rāca quēnaro ñnarucuja m̄a” Dios ñ yirotsere cudigu quēne. ¹¹ To bajiri ñ rāca quēnaro mani ñnase Dios ñ bojajare, quēnabusaro ñre ajitirūnuto mani, “Ñ rāca quēnaro ñarāsa mani” yirā. Mani ñnicua Diore ajitirūnubeticōari, ñ rāca quēnaro ñna ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitirūnucōa ñaroti ñaja”, m̄are yigotiaja ȳa. Masijeogu ñ ñajare, “To bajiro bajiruroja” ñ oca ti yigotirore bajirone bajiruroja ti. Jariase juajacatuajune bujariase mani usuju ti ejarore bajiro bajiaja Dios oca, mani ajise. To bajiri, mani tuoñase, “Masibecumi Dios” mani yiboasere quēne ñamasigū ñaami Dios. Ñ oca suorine, “Rojose ñaja; quēnase ñaja”, yituoñamasiaja mani. ¹³ Disejuu Dios ñ rujeorere ñre yayiomasiña manija. To bajiri, disejuane mani yise, mani tuoñase quēne, ñ masibeti manija. Ñ ñagūmi, ñajediro mani yisere mani gotirocu.

“Paia uj̄a rētoro ñamasugū ñagūmi Cristo”, yire queti

¹⁴ Cristo, paia uj̄a rētoro ñamasugū ñagūmi. Dios macu ñari, ñ tuj̄a manire ñagōbosagu ñagūmi. To bajiri, ñre ajitirūnu tujabeticōato mani. ¹⁵ “Cristo adi macarucuroju ñ ñaro, Dios ñ bojabetire yato” yigu, manire ñ yicoderūgūrore bajiro Cristore quēne rojosere

ĩre yirotirũgũboayuju Satanás. To bajiboarine rojose yibesuju Cristo. “Yũre quẽne rojose yirotirũgũcami Satanás; ĩnare quẽne to bajirone yami” yimasigũ ñari, “Dios ĩ bojarore bajiro ĩna yiruaboase ĩnare josaja ti” yigũ, manire ĩamaicõa ñagũmi. Manire ĩamaicõari, paia ɯju rẽtoro ñamasugũ ñari, “Mũre ajitirũnu tũjabeticõato ĩna’ yigũ, ĩnare ejarẽmoña”, ĩ jacũre manire yisẽnibosarũgũgũmi. ¹⁶ To bajiri mani quẽne, Diore gũimenane, sẽniroti ñaja. ĩre mani sẽnijama, rojose mani yise vaja rojose manire ĩ yiborotire manire ĩamaicõari, yibetirũcũmi. No bojarijũne ĩ ejarẽmosere mani bojajama, quẽnaro manire ejarẽmorũcũmi.

5

¹ Mani ñicũa ĩna ñarirodore ñamasiñuju paia ɯju ñamasugũ, Dios ĩ beser'i, “Masare ejarẽmoato” yigũ, ĩ cũr'i. Ado bajiro yirũgũmasiñuju: Vaibũcũrã ĩre ĩna ĩsisere quẽne boca juacõari, soemũobosarũgũñuju, rojose ĩna yisere “ĩnare masirioya mũ” ĩnare yisẽnibosagũ. ² ĩ quẽne, manire bajirone bajigũ ĩ ñajare, Dios ĩ rotise yimasi-jeogũ me ñamasiñuju ĩ. “Yũre quẽne josaja” yitũoĩagũ ñari, “Gãjerã Diore ajitirũnrãre, to bajirone bajiroja”, yĩamaiñuju. ³ Manire bajirone rojose yigũ ñari, “Rojose yũ yise vaja yũre masirioato Dios” yigũ, gãjerãre ĩ sẽnibosaroto rĩjoro, ĩ quẽne vaibũcũ rii soemũorũgũñuju. ⁴ Nijũane, “Yũ ñagũsa paia ɯju”, yibetimasiñuju. Gãjerã quẽne, “ĩ ñato”, yibesujarã. Dios sīgũne, “Mũ ñarũcũja paia ɯju ñamasugũ”, yimasigũ ñamasiñuju ĩ. To bajiri, Aarón ñamasir'ire, “Paia ɯju ñaña”, ĩre yicũũomasiñuju Dios. ⁵ To bajirone ĩre yiyumi Jesucristore quẽne. Dione ĩre cũñumi. To bajiri ado bajise ĩre ĩ gotirotire ucamasiñuma masa:

“ Adirũmũne yũ macũ ñari, yũre bajiro rotisũorũcũja mũ’ yami Dios”, yuicamasiñuma ñna, Cristore, Dios ï gotirotire yirã.

⁶ Gajeye ï macũre ï gotirotire ado bajise yuicamasiñuma ñna:

“ “Masa rojose ñna yisere ñnare masirioya” ñnare yisẽni-bosagũ ñarũcũja mũ’ mũre yaja yũ. ‘Paia ẽju ñamasugũ Melquisedec ï bajicatore bajiro bajirũcũja mũ’ mũre yaja yũ”, yuicamasiñuma ñna, ï macũre Dios gotirotire yirã.

⁷ Cristo, manire bajiro ruju cõticiõari, adigodoju ñagũ ï bajirocaroto rĩjoro, Diore buto sãnirũgũñuju ï. Otigũne, ado bajise jacase sãniniñuju ï: “Cacũ, ‘Yũre sĩabeticõato ñna’ yigũ, yũre ejarẽmoña. To bajiboarine, mũ bojarore bajirone bajirũaroja”, yiyuju Cristo, ï jacũre. ï rotirore bajiro yigũ ï ñajare, ïre ajicõari, “Yũ bojarore bajirone bajiato” yigũ, ïre ejarẽmoñuju Dios. ⁸ Dios macũ ñaboarine, rojose tãmũoñumi Cristo. “Rojose tãmũoboarine, Diore cãdicõa ñaroti ñaja”, yitũoĩañuju. To bajiro bajica yigũ, ñajediro Dios ï rotirore bajirone yiyuju Cristo. ⁹ ï rotirore bajirone ï cãdijeocõajare, “Mũ suori ñna rijato beroju, mũ rãca ñacõa ñarũgũrũarãma ñna, mũre ajitirũnrã”, ïre yiyuju Dios. ¹⁰ To bajiri, “Paia ẽju ñamasugũ Melquisedec ñamasir'i ï bajicatore bajiro bajirũcũja mũ” Dios ï yir'i ñagũmi Cristo.

“*Jesucristore ajitirũnu tujabetiroti ñaja*”, yire queti

¹¹ “Tirũmũju paia ẽjarã ñna yisũoadimasire ùnire yigũ ñaami Cristo” yũ yigotirẽmorũaboase jairo ruyaja maji. Tire ajimasijeomenaja mũa, buto mũare ti josajare.

¹² Tirũmũju, Cristore ïre ajitirũnũsucaju mũa. To bajiri tire quẽnaro buecõari, butobũsa ï bojarore bajiro mũa yirũtu vajama, jẽre ï ocare masare gotimasiocoarona ñaja mũa. To bajiboarine, “Maji, josabetijuare yũare gotimasiocõa ñaña” yitũoĩarãre bajiro bajiaja mũa. ¹³ Rĩamasa

ũjurãcare bajiro ñaja mua. To bajiro bajirã ñari, “Quênase ñaja; rojose ñaja” ñna yimasibetore bajiro bajirã ñaja mua. ¹⁴ Rĩamasare bajiro me bajiama bucuacoanajuma. Tuoĩamasicoana ñari, “Quênase ñaja; rojose ñaja” yituoĩamasicõari, Dios ñ bojarore bajiro yirã ñaama.

6

¹ To bajiri Cristo oca ñamasuse ti ñajare, “Yu gotisere ajimasiriaro maja mua” yu yisere gotiguagu yaja, Dios ñ bojarore bajiro mua yirotere yigu. Jẽre Cristo oca josabetibusasere masiaja mani. Adĩ ñaja Cristo ye mani buesucati: “Rojose yitujacõari, quênasejuare yituoĩaroti ñaja manire” yirere buecaju mani. “Diore mani ajitirũnubetijama, rojose tãmtõtujabetiriaroju varuarãja mani” yirere quêne buecaju mani. ² Gajeye ado bajiro buecaju mani: “Cristore ajitirũnurã ñaja yua” yirãre oco rãca ñna bautizasere quêne buecaju mani. To yicõari, “Esp'iritu Santo, mua rãca ñarucumi” yirã, ñnare ñna ãmo ñujeosere quêne buecaju mani. Quêna gajeye ado bajise buecaju mani: “Cristore ajitirũnurã, bajireacoaboarine, tudicat-icõaruarãma” yirere quêne buecaju mani. To yicõari, masare Dios ñ beserotire quêne buecaju mani. ³ Ti ñacaju Dios oca josabetibusã mani buesucati. To bajiri, josasere quêne buemasicõari, bũtobusa ñ bojarore bajiro yirũtuarõaro mani, Dios ñ bojajama.

⁴⁻⁶ Sĩgũri Dios ocare ajitirũnurã ñnarãma maji. To bajicõari, Esp'iritu Santore cuorã ñnarãma. To yicõari, Dios ñ bojasere yirã ñnarãma. Dios ñ masise rãca ñaĩañamanire yĩoecoriarã quêne ñnarãma. To bajiro yirã ñnaboarine, ñna ajitirũnubetijama, juaji ajitirũnubetiruarãma. To bajiro ñna bajijama, Jesucristore ñatecõari, yucũtẽroju ñre jajuturiarã ñnane ñnarã bajirãma ñna. To bajiro ñna bajijare, gãjerã quêne Dios ocare ajirũcũbũobeticõari, ajarãma.

⁷ “Dios ocare ajicōari, quēnaro ote vānuri sitare bajiro bajiaja mani” yigū, ado bajise muare gotiaja yū: Vese ote ñarivesere oco ti quediro bero ote quēnaro ti vānurore bajiro bajiroti ñaja manire. To bajicōari, ti sitajure ote vānucōari, quēnaro ti rica cutijama, variquēnagūmi ti vese uju. To bajiri, ote rica cuti vese ĩ ĩavariquēnarore bajiro manire quēne ĩavariquēnagūmi Dios, ĩ ocare ajicōari, ĩ bojarore bajiro mani yijama. ⁸ To bajicōari, gajejuma vese yirijaju sita quēnabeto ñari, oco ti quediboajaquēne, ote vānubetone, vidise rīne ti judijama, “Sita quēnabeto ñaja” yigū, tire soereacōagūmi ti vese uju. Tire bajirone Dios ocare ajiboarine, ajitirūnu tujacōari, ĩ bojabetire ĩna yijama, rojose tāmūotujabetiriaroju ĩnare reacōarucūmi Dios.

“Yure yirētosarucūmi Cristo’ mani yituoīacōa ñajama, quēnaja”, yire queti

⁹ “Ado bajiro bajirāma Cristore ajitirūnu tujarā” muare yū yigotimasiosere, “Muane ñaja Diore ajitirūnu tujarona” yigū me yaja yū. Quēnaro mua yirere ajicōari, “Jesucristo suori Dios yarā ñarāma”, muare yaja yū. To bajiro muare yimasicōari, “Būtobusa Dios ĩ bojarore bajiro yirūtu varuarāma ĩna”, muare yaja yū. ¹⁰ Quēnaro riojo yigū ñaami Dios. To bajiro yigū ñari, ĩ bojarore bajiro quēnaro mua yirere masiritibetirucūmi. To bajiri, gājerā Dios yarāre mua ejarēmōrere ajicōari, “Diore rucubōrā ñarāma”, muare yimasijaja yū. ĩnare ejarēmocōa ñarāja mua maji. Tire quēne masiritibetirucūmi Dios. ¹¹ To bajiro quēnaro mua yirūgūse quēnaja ti. Variquēnase rāca Dios ocare ajitirūnu tujamenane, ñajediro quēnaro mua yirūgūrore bajirone gāmerā yicōa ñarūgūroti ñaja. To bajiro mua yicōa ñajama, “Cristo suori quēnaro manire yirucūmi Dios” mua yituoīarore bajirone muare yirucūmi. ¹² Dios ocare ajiterāre bajiro mua bajisere bojabeaja yū. To

bajiri, “Bajiruaroja” ĩnare ĩ yirere ajitirũnu tujabetiriarãre bajirojuã bajiya mua quẽne. ĩnare bajiro mua bajijama, mũare ĩ gotiriarore bajirone mũare quẽne yiruãmi Dios.

¹³⁻¹⁴ Abraham ñamasir'i ĩ bajimasirere tuoĩaña mua. “Gãji yure bajiro yigu magũmi” yituoĩagũ ñari, ado bajiro ĩre gotimasiñuju Dios: “Mũre socabeaja yu. Jãjarã jãnerabatia cutiruãmi’ mũre yaja yu”, ĩre yimasiñuju Dios, Abraham ñamasir'ire gotigu. ¹⁵ “ĩ yirore bajirone yigu ñaami Dios” yigu ñari, “Socu yigumi” yituoĩarejai-betimasiñuju Abraham, Dios ĩ yirore yugu. To bajiri, Dios socabecu ĩ ñajare, “To bajiro bajiruaroja” Abrahamre ĩ yimasiriarore bajirone bajimasiñuju ti. ¹⁶ To bajiri, manijũama, “Socu me yigumi’ gãjerã yiajiato” yirã, masa rẽtoro ñamasugũ Dios vãme rãca yirũgũrãma. To bajise ĩna yijama, “Socu me yaja. Dios quẽne masigũmi”, yirũgũama. To bajiro ĩna yisere ajicõari, “Socarã me yama”, yituoĩarãma masa. ¹⁷ To bajiri, “Socu me yigumi Dios. ĩ yirore bajirone yigu ñagũmi’ Abraham yure yiajiato” yigu, “Mũre socabeaja yu”, yimasiñuju Dios. ¹⁸ Socagu me ñaami. “Yiruãja” ĩ yirore bajirone yigu ñaami Dios. To bajiro yigu ĩ ñajare, rojose tãmuotu-jabetiriarojuã mani vaborotire manire yirẽtobosacõari, “Quẽnaro ĩnare yiruãja’ ĩ yiriarore bajirone manire yiruãmi”, yituoĩaja mani. ¹⁹⁻²⁰ To bajiro manire Dios ĩ yire ti ñajare, ĩ gotiriarore bajiro ti bajirore tuoĩacõã ñato mani. Diore yirũcũbũoriavi yotoriaro vajajua Dios ĩ ñarisõajure jãjajacõari, “Rojose ĩna yisere ĩnare masirioya” yisẽnibosarimasa ñamasiñujarã paia ujarã. To bajiri, Cristo quẽne, ĩna yimasiriarore bajiro yigu, õ vecaju Dios ĩ ñarojuã ejacõari, “Rojose ĩna yisere ĩnare masirioya”, manire yisẽnibosa ñagũmi. Paia uju ñamasugũ Melquisedec ĩ yimasiriarore bajirone yigu, Cristo quẽne, manire sãnibosacõã ñaruãmi. Manire ĩ sãnibosa ñajare,

“Dios ï yiriarore bajirone quënaró manire yirucumi”, yimasiaja mani.

7

“*Aarón ñamasir'i* rëtoro quënaró manire yibosagumi Cristo”, yire queti

¹ Melquisedec, Salem macana ujũ ñamasinuju. To bajicõari, pai ñamasinuju. Ñajediro ujũre Diore rucubogũ ñamasinuju. Mani ñicũ Abraham ñamasir'i gaje macariana ujarãre siareacõari, ï ya macajũare tudiamasinuju ï. To bajiri ï tudiado, ïre bocagũ, vamasinuju Melquisedec. ïre bocacõari, ïre sënibosamasinuju, “Quënaró ïre yato Dios” yigũ. ² To ï yiro bero, gaje macariana ujarãre siareacõari, ïna ye gajeyeũni ñaboare ïna juarere, juaãmo cõro ñaritubuari yicũcõari, cojotubua Melquisedec ñamasir'ire ïsimasinuju Abraham. “Melquisedec” ti yijama, “Ujũ quënase rĩne yigũ” yire ïni ñañuju ti. Salem macana ujũ ñamasinuju Melquisedec. “Salem” ti yijama, “Quënaró ñariamaca” yire ïni ñañuju. To bajiri, “Quënaró gãmerã yinãto mani’ yigũ ñamasinuju Melquisedec”, yimasiaja mani. ³ Melquisedec jacua, ï yarã quëne, to yicõari, ï ruyuarere, ï bajirocarere quëne ucare ti maniboajaquëne, “Pai ñamasinuju Melquisedec”, yigotiaja Dios ocare masa ïna ucamasire. To bajise yiuicare ti maniboajaquëne, “Diore sënitujabetirimi”, yaja mani. To bajirone bajiami Cristo quëne. “Ïnare ejarëmoña’ manire yisënibosa tujabecumi”, yimasiaja mani.

⁴ Abraham ñamasir'i ñamasugũ ï ñaboajaquëne, ï rëtoro ñamasugũ ñamasinuju Melquisedec. Gaje macariana ujarãre siareacõari, ïna ye gajeyeũni ñaboare ïna juarere, juaãmo cõro ñaritubuari yicũcõari, cojotubua

Melquisedec ñamasir'ire ïsimasiñuju Abraham.^b
⁵ Abraham ï bajirocaro bero, gajerodoju, “Paia ñaruarãma ñna Abraham jãnami Lev'i vãme cutigu jãnerabatia”, ñnare yicũmasiñuju Dios. To bajiri, “Sĩgũ jãnerabatia ñaboarine, ñna cõsere, juaãmo cõro ñaritubuari yicũcõari, cojotubua ñna yũ Lev'i ya jũnanare paiare ïsiruarãma ñna”, ñnare yimasiñuju ï. ⁶ Lev'i cuti jũnagu me ñaboarine, Melquisedec quẽne, Abraham ï ïsire boca juamasiñuju ï. Abraham ñamasir'ire, “Mũ suorine adi macarucuroana ñajedirore quẽnaro yirucuja yũ”, yimasiñuju Dios. To bajiro ï yir'i ï ñaboajaquẽne, Melquisedecjua ñamasíñuju, “Quẽnaro mure yato Dios” Abrahamre yisẽnibosagu. ⁷ To bajiri, “‘Quẽnaro mure yato Dios’ yigujua ñaami ñamasugũ”, yimasiaja mani. Tire masirã ñari, “Abraham rẽtoro ñamasugũ ñamasíñuju Melquisedec”, yimasiaja mani. ⁸ Gajeyere quẽne tuoĩaña mua. Adirũmuri ñarã paia, Lev'i jãnerabatia, manire bajirone bajirearuarãma ñna quẽne. Melquisedecjuarema, “To cõro bajirocamasiñuju”, yigotibeaja Dios ocare masa ñna ucamasire. To bajiri, “Bajirocabetirimi”, yicõaja mani. ⁹⁻¹⁰ Abraham ñamasir'i, Melquisedere ï ïsirone, ï jãnerabatia quẽne beroju ruyuarona ñari, ñna quẽne ïre ïsirãre bajiro yimasiñujarã. To bajiri Lev'i cuti jũnana quẽne, Abraham jãnerabatia ñari, Melquisedere ï ïsirone, ñna quẽne ïsimasiñujarã. To bajiri, “Lev'i cutijũnana rẽtoro ñamasugũ ñamasíñumi Melquisedec”, yimasiaja mani.

¹¹ “Lev'i jãnerabatia ñaruarãma paia”, yimasiñuju Dios. Sĩgũ Lev'i jãnami ñamasíñuju Aarón vãme cutigu, paia ujũ ñamasugũ, Dios ï cõsuomasir'i. To bajiri Aarón, Lev'i jãnami ï ñajare, “Aarón rẽtoro ñamasugũ ñamasíñuju

^b 7:4 “Gãjerã ñna ïsire boca juarã, ïsirã rẽtoro ñamasurã ñaama”, yituoĩañujarã hebreo masa.

Melquisedec”, yimasiaja mani. Lev'i jānami Aarón, ĩna jānerabatia quēne, Diore rūcub̄orā masa ĩna ĩsire ĩnare yibosarimasa ñacoadimasiñujarā ĩna. Tire boca juacōari, Diore rūcub̄orā tire soem̄omasiniñujarā ĩna. “Rojose ĩna yise vaja, rojose ĩnare yibesa” masare yisēnibosarimasa ñacoadimasiñujarā. To bajiro ĩna yiboajaquēne, Diojua ĩ ĩajama, rojose ĩna yire ti ñacōajare, “Rojose mana ñaama”, ĩnare yiābetimasiñuju Dios. To bajiro ti bajijare, paia ɯjɯ ñamasugū Melquisedere bajiro bajigure, ĩ macure cōañumi Dios, “Masare yirētobosato” yigɯ. ¹² ĩre ĩ cōaro bero, “Masa rojose ĩna yise vaja, rojose ĩnare yibesa” yibosarimasa bojabesuju Dios. To yicōari, Moisere ĩ roticūmasirere ĩna yiboarere quēne bojabesuju. ¹³⁻¹⁴ Adigodoju manire bajiro rujɯ cūticōari ruyauyuju mani ɯjɯ Cristo, Judá ñamasir'i cūtijūnagɯ. To bajiboarine, Judá jānerabatiarema “Paia ñabetiruarāma”, yimasiniñuju Moisēs ñamasir'i. To bajiri, Cristo r̄jorojore Judá jānerabatiana, s̄gūjɯane paia ñabetimasiñujarā.

¹⁵⁻¹⁶ To bajiri, “Lev'i jānerabatia r̄ne paia ñaruarāma” Dios ĩ yimasire yigɯ me, paia ɯjɯ Melquisedere bajiro bajiyumi Cristo. Tudicaticōari, rijabetirocɯ ñari, bajiyumi. To bajiro bajirocɯ ñari, “Paia ɯjɯ ñamasugū Melquisedere bajiro bajiyumi Cristo”, yimasiaja mani. ¹⁷ Dios ĩ macure ado bajiro ĩ gotirotire masa ĩna ucamasire ti ñajare, “Paia ɯjɯ ñamasugū Melquisedere bajiro bajicōa ñarucɯmi Cristo”, ĩre yimasiaja mani:

“ “Rojose ĩna yisere ĩnare masirioya”, ĩnare yisēnibosa tujabetirocɯ ñaja mɯ' mure yaja yɯ. ‘Paia ɯjɯ ñamasugū Melquisedec ĩ bajimasicatore bajiro bajijarucɯja mɯ' ĩre yigotiyumi Dios, ĩ macure”, yaja ti Dios ocare masa ĩna ucamasire.

¹⁸ Dios, Moisere ĩ roticūmasiriaro cōrone ĩna cūdi-jeocōaboajaquēne, “Rojose mana ñaama”, ĩnare yiābeti-

borimi Dios. To bajiri Moisére Dios ĩ roticũmasire, vaja manire bajiro bajiyuja ti. ¹⁹ To bajiro ti bajijare, Moisére ĩ roticũmasire vasoayuju Dios. Mame ĩ vasoarejuama, ado bajiro bajaia: Manire Cristo ĩ rijabosare suorine, “ ‘Rojose mana ñaama’ manire yĩagũmi Dios” yimasirã ñari, variquênase rãca ĩre sēnirũgũaja mani. To bajiro ti bajijare, “Tirũmuaye Moisére Dios ĩ roticũmasire rētoro quēnase ñaja adirodoriae”, yimasiaja mani.

²⁰⁻²¹ To bajiri, ĩ macu Cristore, “Paia ujarã rētoro ñama-sugũ ñarucuja mu” yigu, ado bajiro ĩre yiyuju:

“ ‘Mure socabeaja yu. ‘Rojose ĩna yisere ĩnare masirioya’, ĩnare yisēnibosa tujabetirocu ñaja mu’, mure yaja yu”, ĩre yiyuju Dios, ĩ macure.

Gãjerãrema “Paia ujarã ñaruarãja mua” yigu ñaboarine, ti ũnire yibetimasinju Dios. ²² Tire mani ajijama, “Jesu-cristo suorine Dios ĩ gotiriarore bajirone quēnaro manire yirucumi”, yimasiaja mani. ²³ Tirũmuaye Moisére Dios ĩ roticũmasire rucubworã, jãjarã paia ñamasiñujarã. To bajicõari, ĩna bajireajaquēne, ĩnare moavasoarona jã-jarã ñarũgũmasiñujarã. ²⁴ To bajiboarine, Cristojurema, tudirijabetirocu ĩ ñajare, “Ĭre moavasoarocu magũmi”, yimasiaja mani. ²⁵ “Jesucristo suorine Diore ajitirũnrãre, rojose ĩna yisere ‘Masirioato Dios’ yigu, Dios ĩ ñaroju, ĩnare sēnibosacõa ñarũgũgũmi, tudirijabetirocu ñari”, yimasiaja mani.

²⁶ To bajiri tirũmuju paia ujarã ĩna yisuoadimasire ũnire yigu, Cristo quēne rojose mani yisere “Masirioato Dios”, manire yisēnibosarũgũgũ ñagũmi. Cristo ñañumi masa rojose ĩna yirore bajiro yibecu. Quēnase rĩne yigu ñañumi. To bajiro bajir'i ĩ ñajare, Dios ĩ ñaroju, “Rētoro ñamasugũ ñarucuja mu” Dios ĩ yir'i ñagũmi. ²⁷ Paia ujarã ñamasurã ĩna yimasiriarore bajiro yigu me ñagũmi Cristo. ĩnajuama, tocãrãcarũmũne vaibucurãre sãcõari, soemũomasinju-

jarã, “Rojose yua yisere masirioya” Diore yirã. To yicõari, ñna yarãre quẽne rojose ñna yirere “Ïnare masirioya Dios”, ñnare yisẽnibosarũgũmasiñujarã ñna. To bajiboarine, Jesũjuama, mani jedirorene cojojine rijabosayumi, rojose mani yisere “Masirioato Dios” yigũ. ²⁸ Moisére Dios ï roticũmasire, “Paia ɯjarã ñamasurã ñarɯarãma” ï yire ti ñaboajaquẽne, manire bajirone ñna quẽne tire cudi-jeobetiriarã ñna ñajare, “Rojose mana ñaama”, yiãbeti-masiñuju Dios. To bajiboarine ï macɯjuarema, quẽnase rĩne yir'i ï ñajare, “ ‘Rojose ñna yisere masirioya mu’ ñnare yisẽnibosacõa ñarũgũrocũ ñaja mu”, ïre yiyuju.

8

“Cristo, õ vecajũ manire sẽnibosa ñagũmi”, yire queti

¹ “To bajirone bajigũmi Cristo, õ vecajũ Diorãca ï rotiñarõju”, muare yaja yũ. ² Tojũre ejaçõari, “Rojose mani yisere masirioya”, manire yibosa ñagũmi Cristo, Dios ï buariavijũre.

³ Tocãrãcũ paia ɯjarã ñamasurã ado bajiro yiyuma: Rojose masa ñna yisere, “Ïnare masirioya Dios”, yisẽnibosayujarã ñna. To yicõari, Diore rũcũbuorã masa ñna ïsisere boca juacõari, ñnare yibosayujarã. To bajiro ñna yire ãnirene yigũ, Cristojuama, manire rijabosayumi, rojose mani yisere manire yirẽtobosagũ. ⁴ Yucũri ñarã paia, Moisére Dios ï roticũmasiriarore bajirone yicõa ñarãma. To bajiri Cristo, adigodoju ï ñacõajama, ñnare bajiro yibecũ ï ñajare, “Pai me ñaami”, ïre yiborãja mani. To bajiboarine, õ vecajũ Dios ï ñarõju, “ ‘Rojose ñna yisere masirioya’ manire yibosagũ ñagũmi”, yimasiaja mani. ⁵ “Mani rãca ñagũmi Dios” masa ñna yirũcũbuorotivire Moisés ñamasir'i ï buarotiroto rĩjoro, ado bajiro ïre yimasiñumi Dios: “Gũtau joeju mure yũ ïocativire bajirivine buarotiya”, yimasiñuju Dios, Moisés ñamasir'ire. To

bajiri, “Mani rāca ñagũmi Dios” masa ñna yirũcũbuorivire ñna buajama, Moisére Dios ñ ñomasiriavire bajirivine buamasiniujarã. ⁶ Paia ujarã ñamasurã Dios ñ rotimasire cudimasiriarã ñna yirũgũmasire rētoro quēnaro manire yibosarũgũgũmi Cristo. To bajiri, “‘Quēnaro mũare yirũcũja yũ’ Moisére Dios ñ yicũmasire rētoro quēnase ñaja adirodoriaye”, yimasiasiaja mani.

⁷ Moisére Dios ñ yicũmasire rēmojuane quēnase ti ñacõajama, gajeye mamejuare vasoabetiborimi Dios. ⁸ Moisére Dios roticũmasire masa ñna cudijeobetijare, ñavariquēnabetimasiñuju Dios. To bajiri, “Ado bajiro ñnare gotiya”, yimasiniuju ñ:

“Mani uju Dios, ado bajiro mũare gotiami: ‘Quēnaro ajiya mũa. Cojorũmũ mame mũare vasoabosarũcũja yũ, Israel vāme cũi sitanare, Judá vāme cũi sitanare’, mũare yami.

⁹ ‘Egipto sitaju ñarãre Israel sitajua ñnare ñmato vacũ, quēnaro ñnare gotiboacaju yũ. To bajiboarine, yũ yicatore bajiro ñna cudibetijare, “Yũ yarã me ñaama”, ñnare yicaju yũ. To bajiri, mame yũ vasoarotijũama, mũa ñicũare yũ gotimasicatore bajiro me bajiruaroja’ mũare yami Dios mani uju.

¹⁰ ‘To bajiri, Israel ñamasir’i jãnerabatiare mame yũ vasoaroti, ado bajiro bajiruaroja: “Yũ masise suorine yũ rotisere tuoĩamasiruãrãma”, ñnare yirũcũja yũ. To bajiro yũ yisere bojarã ñari, quēnaro yirũgũruãrãma. To yicõari, yũ sũgũne ñna uju ñna yirũcũbuogu ñarũcũja yũ. To bajiri ñnajua quēne yũ yarã ñaruãrãma’ mũare yami Dios.

¹¹ ‘Yũ yarã ñari, rĩamasa quēne, bucũrã quēne, ñna ñaro cõrone, yũre masijedicoaruãrãma ñna. To bajiri, “Ado bajiro tuoĩagũ ñaami Dios”, gãmerã yimasiorã maniruãrãma’, mũare yami Dios.

¹² “Īnare ĩamaicōari, rojose ĩna yisere yu masiriojama, “Rojose yiriarã ñaama”, juaji ĩnare yituoĭabetirucuja yu. To bajiro ĩnare yu yiroti ti ñajare, yure quēnaro masiruarãma ĩna’ muare yami Dios”, yimasiñuju, Diore gotirētobosamasir’i.

¹³ “Mame oca quēnase vasoarucuja” Dios ĩ yijama, tirũmũju ĩ yimasiboarere reagu yigumi. To bajiri, “Tirũmuajejuma vaja manoja”, yimasiaja mani.

9

“Cristo, quēnaro manire yibosagumi” yire queti

¹ “Adigodoju ñarã yure rucubũorã mua rējarotivire mua buasere bojaja yu”, Moisés ñamasir’ire ĩre yimasiñuju Dios. ² To bajiri ĩ rotiriavire bajirone buamasiñujarã ĩna. Ti vi gudarecore sudirone yotoriavi ñamasiniuju. To bajiri, ejasũoriasõa Diore rucubũoriasõa vãme cutimasiñuju. Tisõaju sũabusuoriabajari jeoriaju ñamasiniuju ti. To yicõari, Diore ĩsiroti pan jesariju quēne ñamasiniuju. ³ Gajesõa, Dios ĩ ñarisõa vãme cutimasiñuju. ⁴ Tisõajure, ñamasiniuju Diore rucubũorã, ĩna soejama, quēnaro sutiquēnase soemũoriaju. “Dios ĩ ñari sõagaju ñaja” ĩna yiboajaquēne, ejasũoriasõajũarene ñacõamasiñuju ti. To bajicõari, Dios ĩ ñarisõajure ñamasiniuju rujajata orone ĩna quēnorajata. “Dios ĩ rotirere cūdiroti ñaja” yirã, ĩna quēnorajata ñamasiniuju. Tijatajure adocãrãca vãme sãñamasiniuju: Orone ĩna quēnorã sotũ sãñamasiniuju. Ti sotũjure bare manã vãme cuti Dios ĩ cõare sãñamasiniuju. To bajicõari, Aarón ĩ tuemasir’i quēne acatuar’i sãñamasiniuju. To bajicõari, juajãi gũtajãi Dios ĩ rotimasire ĩ ucamasiriajãiri quēne sãñamasiniuju. ⁵ Tijata joere rũgõmasiniujarã Diorãcana vurã querubines vãme cutirãre bajirã masa ĩna quēnomasiriarã. ĩna ñamasiniujarã, “Adiju ñaja masa rojose ĩna yisere Dios ĩ masirioriju” yigotirã.

Ĩna queruĵuri rāca gāmerā ñucānamucōari, rūgōmasiñu-
jarā ĩna. Yucurema ti viaye buto gotire maja ti.

⁶ To bajiboarine, Diore rūcuboroti ti ñajedicōajare, tocārācarūmune Diore rūcuborā sājaejarūgūmasiñujarā paia, ñasurisdare. ⁷ Paia uĵu ñamasugū rīne jājarūgūmasiñuju, Dios ĩ ñarisōa vāme cūti sōajure. Tocārāca cūmare cojojine jājamasiñuju. Jājacōari, ĩ masu rojose ĩ yirūgūrere, to yicōari, ĩ ñarimacana, “Rojose yirā yaja yua” yituoāmenane, “Rojose yua yirūgūrere masirio-
bosato Dios” yigū, vaibucurā ri'ire juajājarūgūmasiñuju. ⁸ “Paia uĵu ñamasugū rīne Dios ĩ ñarisōare jājamasi-
ami”, yimasiñujarā. Tire ĩna tuoĵajama, Esp'iritu Santo ĩ ejarēmose rāca, ado bajiroĵua yimasiñujarā ĩna: “Mani masune rojose mani yisere yuare masirioya’, Diore yimasibeaja. ‘Paia uĵu ñamasugū rīne manire sēnibosagu ñaami’ yimasijaja mani. To bajiro rīne bajicōa ñaruarāja mani maji. Dios manire ĩ sājarotirirūmu ti ejarojū tisōare jājaruarāja mani”, yimasiñujarā ĩna. ⁹ “Mani ñicua Dios ĩ rotimasirere ĩna ajitirūnūrūgūmasire rētoro quē-
namasuse ñaja’ mani yituoāmasirotire yiro bajiyuja”, yimasijaja mani. “Mani ñicua, tirūmūĵu ĩna yirūgūmasiri-
arore bajirone mani quēne, rojose mani yisere, ‘Manire masirioato Dios’ yirā, paire mani soemuroricōa ñajama, Dioĵua ĩ ĩajama, ‘Rojose maja ĩnare’ manire yīābeticōa ñagūmi”, yimasijaja mani. ¹⁰ Tirūmūaye Dios ĩ rotimasire
ado bajiro bajiyuja: “Adocārāca vāme baruarāja mūa. Gajeyerema babetiruarāja mūa”, ĩnare yimasiñumi. To yicōari, ĩna idiotire, ĩna guarotire, ĩna āmo coerotire quēne to bajirone yimasiñumi. To bajiro ĩ yijama, ti ñajediro ĩ rotimasire mameĵua ĩ vasoaroto rījororema, ĩna rujure ĩna ĩatirūnuroti rīne yigū yiyumi Dios.

¹¹ To bajiro ĩ yimasire ti ñajare, yucurema, “Cristo suorine quēnaro yirucūja yu” Dios ĩ yiriarodo ejayuja ti. To bajiro ĩ yire ñajare, Cristo manire rijabosacōari,

õ vecajũ Dios ya vijũ ñagũ vasuju. Ti vijũ ñacõari, paia uju ñamasugũ ï sēnibosarore bajiro, “Quēnaro ñato ñna” yigũ, manire sēnibosa ñagũmi. To bajiro ï yĩnarivima, adigodo ñarã Diore rũcũbuorã ñna buariavi rētoro quēnarivi ñaroja. ¹² To bajiri Dios ï ñarisõaju jãjacõari, cabra rĩa ri'i, ta vecũ rĩa ri'i adigodoju ñarã paia ujarã Diore ñna ïsiriarore bajiro yirũ me, ïjuama, ï ruju rise sũorine rojose mani yire vajare cojojine yirētosajeocõarũ, õ vecajũ Dios ï ñarisõaju jãjasuju Cristo. ¹³ Ado bajiro gotiaja Dios ï rotimasire: “Bajirocar'ire moãabetiruarãja mũa. To yicõari, ‘Babetiruarãja mũa’ yũ yisere quēne moãabetiruarãja. To bajiro yũ yisere mũa cũdibetijama, yũre ñna rũcũbuorivire sãjabetiruarãja mũa. To bajiboarine, ta vecũ macũre ñna soese rĩtire, oco rãca abavũore ñasere mũare yayeturũcũmi pai. Tire ï yibetijama, hisopo vãme cũti ruju rãca vaibũcũ ri'ine mũare vējabate gurũcũmi. To bajiro mũare ï yijama, yũre rũcũbuoriavire sãjamasiruarãja mũa”, yimasĩnumi Dios. ¹⁴ “Vaibũcũrã ri'ine mũare ï yayeguojama yũre rũcũbuoriavire sãjamasiruarãja mũa” Dios ï yimasire ti ñaboajaquēne, “Cristo manire ï rijabosarejũa rētoro quēnase ñañuja”, yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñacõa ñarũgũrocũ ï ejarēmojare. Cristo manire ï rijabosare sũorine, rojose mani yisere masirioꝑũmi Dios. To bajiri, “Rojose maja manire”, yitũoĩaja mani. To bajiro yitũoĩacõari, ñacõa ñarũgũrocũ Dios ï bojarore bajiro quēnaro yirũgũroti ñaja manire.

¹⁵ “‘Mame mũare vasoarũcũja yũ’ ï yiriarore bajirone bajiato” yigũ, adi macarũcũrojũre Cristore cõañumi Dios. To bajiro ï yicõar'i ñari, tirũmũaye ajirũcũbuoriarãre quēne rojose mani yisere “Masirioato Dios” yigũ, manire rijabosayumi Cristo. To bajicõari, ï rijabosare sũorine

“Yᵐ yarã ñaama” Dios manire ï yīfarotire yigᵐ, bajiyumi. To bajiro ï bajibosariarã mani ñajare, “Quēnaro yirᵐcᵐja” Dios ï yiriarore bajirone yigᵐ, mani rijato berojᵐ ï rāca mani caticōa ñarotire ĩsiecorona ñaja mani. ¹⁶ Ado bajise tᵐoĩaña mᵐa: Mani yᵐ, ï bajiyayiroto rījoro, “Īne ñaami yᵐ ye gajeyeũni cᵐosᵐyarocᵐ”, yigᵐmi. To bajiro ï yir'i ñari, ï bajirocato bero, ï yere cᵐosᵐyagᵐmi. ¹⁷ Ī caticōa ñajama, ï masune cᵐocōa ñagᵐmi maji. Ī rijato bero, tire cᵐomasigᵐmi gājijᵐa. To bajiri, “Ī gotiriarore bajirone bajijaja”, yimasire ñaja. ¹⁸ To bajirone bajimasiñuju, “Quēnaro yirᵐcᵐja yᵐ” Dios ï yimasirere quēne. “Dios manire ï gotiriarore bajirone yato” yirã, vaibᵐcᵐrãre sīamasiñujarã. ¹⁹ Dios Moisés ñamasir'ire ï roticᵐmasire ñaro cōrone masa jedirore ĩnare gotimasiñuju. Tire ï gotiro bero, oveja joa ĩna sūorere, hisopo vāme cᵐti rᵐjᵐjᵐ siatucōari, vaibᵐcᵐrã cabra vāme cᵐtirã rīare, ta vecᵐ rīare ĩna sīariarã ri'ire juacōari, oco rāca ĩna vᵐorere yosemasiñuju. To yicōari, Dios ï rotimasire Moisés ï ucarijotire vējabate gumasiñuju ĩ. To yicōari, masa ña-jedirore quēne to bajirone yimasiñuju. ²⁰ To bajiro yicōari, masare ado bajiro gotimasiñuju ĩ: “Dios mᵐare ï yiro-tisere cᵐdiroti ñaja”, yimasiñuju Moisés ñamasir'i, mani ñicᵐare. ²¹ “Mani rāca ñagᵐmi Dios” ĩna yirᵐcᵐbᵐorivire quēne ri'ine vējabate gumasiñuju Moisés. To yicōari, ti viaye ñase jedirore, to bajiro yimasiñuju. ²² To bajiro Dios ï rotimasire ñajare, vaibᵐcᵐ ĩna sīar'i ri'ine vēja-bate gumasiñujarã ĩna. To bajiro ĩna yibetijama, ĩnare ĩavariquēnabetiborimi Dios. To bajirone bajiyuja Cristore quēne. Īre ĩna sīaro, ï ri'i ti budibetijama, “Rojose mani yisere masiriobetiborimi Dios”, yimasiaja mani.

“Cristo ï rijabosare sᵐorine, ‘Rojose mana ñaama’ manire yīĩañumi Dios”, yire queti

HEBREOS 9:23 26 HEBREOS 9:28

²³ To bajiri, Diore yirūcūbuoriavijū ĩna sājaro to rījoro, ĩna rujare ĩna ye gajeyeūnire quēne, vaibucurā ri'ine yayebate gurotiyujarā mani űicua. To bajiro yiroticōari, sājārūgūmasiñujarā ĩna. To bajiro ĩna yijama, ō vecaju ĩna bajiro ti ũnire yirā bajimasiñujarā ĩna. To bajiboarine tojūama Dios ye masu ti űajare, vaibucu ri'i ĩna yayebate gurotire ũnirene yiro, rētoro quēnagū ĩ rijabosasere bojayuja. To bajiri, manire ĩ rijabosare ti űajare, “Rojose mana űacōari, Dios ya vijū sājārūarāja mani”, yimasire űaja. ²⁴ Cristo, manire rijabosacōari bero, tudicaticōari, adi macarucuroju Diore rūcūbuoruarā, masa ĩna buariavi mere, ō vecagavi Dios ya vijūare sājasuju Cristo. To bajiri, ti vijū űacōari, “Quēnaro űato ĩna” yigu, manire sēnibosacōa űarūgūgūmi. ²⁵ Paia űju űamasugū adigodoagūma, tocārāca cūmare cojojine, Dios ĩ űarisōa vāme cuti sōare jājarūgūmasiñuju, vaibucu ĩ sīar'i ri'ire “Masa rojose ĩna yisere masirioya Dios”, ĩnare yibosagu. To bajiboarine Cristojūama, ō vecaju Dios ĩ űarōjare ejacōari, adigodoagu paia űju ĩ yimasiriarore bajiro yiru me, bajiyumi. ĩ masu rujū ri'i suorine yirētobosacōari, Dios űarisōajare jājasuju. ²⁶ Adigodoagu paia űju űamasugū tocārāca cūmane “Masa rojose ĩna yisere, masirioya Dios”, ĩnare yibosarūgūñuju ĩ. Cristo quēne, paia űju ĩ yirūgūmasiriarore bajiro ĩ bajijama, adi macarucuro Dios ĩ rujeorijūjune, cojoji me manire rijabosacōa suoadiborimi. To bajiro me bajiyumi Cristo. Cojojine manire rijabosayumi, “Rojose mana űaama” manire Dios ĩ yīarotire yigu. ²⁷ Mani jediro cojojine bajirearona űaja mani. Mani bajirearo bero, ĩ tujū mani ejato, rojose yirāre, to yicōari quēnase yirāre ĩabeserucūmi Dios. ²⁸ Cojojine manire ĩ rijabosare űajare, jājarā űaja mani rojose yibetiriarāre bajiro bajirā. Quēna Cristo, ĩ tudiejajama, “Rojose mani yisere masirioato Dios” yigu, me ejarucūmi. “Manire

rijabosayumi” yituoīarājuare juaguagu bajirucumi.

10

¹ Moisés ñamasir'ire Dios ĩ roticūmasirejuama, “Rojose ĩna yisere ĩnare masiriojeorucuja yu”, ĩ yire me ñañuja. Beroju bajirotire baji rĳoro cutise ñañuja. To bajiro bajijare, tocārāca cūmane vaibucurāre sīacōari, “Rojose yua yisere yuare masirioato Dios” yirā ĩna soemuroti-boajaquēne, “Rojose mana ñaama”, ĩnare yīābesuju Dios.

² Vaibucurā ĩna soemurotise surine, “Rojose mana ñaama” rēmojune Dios ĩ yīācōajama, “Tudi rojose yua yisere masirioato Dios”, yibetiboriarāma. ³ Vaibucurā rii ĩna soemurūgūse tocārāca cūmane rojose ĩna yirūgūrere tūōarotire yiro bajiaja. ⁴ Vaibucurā rii ĩna soemosema rojose masa ĩna yisere, masiriose me ñaja.

⁵ Vaibucurā ri'i, ĩna soemūoboajaquēne, rojose ĩna yisere Dios ĩ masiriobetijare, adi macarucurojere ĩ vadiroto rĳoro, ado bajiro Diore gotiyuju Cristo:

“Masa vaibucu rii ĩna soemūosere bojabeaja mū. To bajiri, ‘Masare bajiro ruju cutigu ñato’ yigu, yure cōaña mū.

⁶ ‘Rojose mani yisere masirioato Dios’ yirā, vaibucu rii ĩna soemurotiboasere quēne ĩavariquēnabeaja mū.

⁷ To bajiri, ado bajiro mure yaja yu: ‘Adone ñaja yu. Mū bojasere yiru masa tūju vacu yaja. “To bajiro bajirucumi” mū ocare masa ĩna yiuacatore bajirone yiru, bajiaja’ ”, Diore ĩre yiyuju Cristo, masare ĩ rijabosarotire yigu.

⁸ Quēna, tirene mūare gotiaja yu. “ ‘Rojose mani yisere masirioato Dios’ yirā, vaibucu rii ĩna soemurotiboasere ĩavariquēnabeaja mū, mū roticūcati ti ñaboajaquēne”, Diore yiyuju Cristo. ⁹ Quēna ado bajise yiyuju Cristo: “Mū bojasere yiru masa tūju vacu yaja yu”, ĩre yiyuju. To bajiro ĩ yijama, ado bajiro ĩre yigu yiyuju: “Tirūmūju

Moisére m̄u roticūcatire yitujacōari, mamej̄uare masa ñna ajise s̄uori quēnaro ñnare m̄u yibosarotire bojaḡu bajiaja ȳu”, ñre yiyuju. ¹⁰ To bajiri Dios ñ rotiriarore bajirone yiḡu, cojojine manire rijabosayumi. To bajiro ñ bajire ñajare, rojose mani yisere masiriocōari, “Rojose mana ñaama”, manire yīiaḡūmi Dios.

¹¹ Jud'io masa, paia, tocārācarūm̄urine ñna ye moare ñajare, “Rojose ñna yisere masirioato Dios” yirā, cojoji me vaib̄uc̄urā riire soem̄uorūḡūrāma ñna. To bajiro ñna yiboajaquēne, rojose ñna yisere, masiriose me ñaja. To bajiri rojose ñna yisere masiriobec̄ūmi Dios. ¹² Jesucristo, cojojine manire rijabosacōari bero, rojose mani yisere yirētobosajeocōaḡū ñnari, Dios ñ rotiñaroj̄u r̄uc̄ub̄uoriaj̄ure rujȳuju ñ. ¹³ “M̄ure terā ñajediro rotiḡu ñaruc̄uja m̄u”, yiyuju Dios. To bajiri, “To bajiro yiruc̄uja” Dios ñ yirere yuñaḡūmi Cristo. ¹⁴ To bajiri, Cristo cojojine manire ñ rijabosare ñajare, “Rojose mana ñaama”, manire yīiaḡūmi Dios. To bajiro ñ yijare, “Ñajediro rojose mani yirere, mani yirotire quēne, manire yirētobosajeocōañumi Cristo”, yimasiaja mani. ¹⁵ Dios ocare masa ñna ucamasire s̄uorine ado bajise manire gotiami Esp'iritu Santo:

¹⁶ “ To bajiri, ñnare mame ȳu vasoaroti, ado bajiro bajir̄uaroja: “Ȳu masise s̄uorine ȳu rotisere tuoīa-masiruarāma”, ñnare yiruc̄uja ȳu. To bajiro ȳu yisere bojarā ñnari, quēnaro yirūḡūr̄uarāma’, yami Dios mani ̄uj̄u.

¹⁷ Ñnare ñamaicōari, rojose ñna yisere ȳu masiriojama, “Rojose yiriarā ñaama”, j̄uaji ñnare yituoābetiruc̄uja ȳu’, yami Dios”, yigotiaja Dios ocare masa ñna ucamasire.

¹⁸ To bajiri rojose mani yisere Cristo manire ñ yirētobosajeore ti ñajare, rojose mani yisere tudituoābetiruc̄ūmi Dios. To bajiri, no yirā vaib̄uc̄u riire soem̄uomenaja mani.

“*Diore quēnaro ajitirūnūrūgūrūarāja mani*”, yire queti

¹⁹To bajiri, Jesús, manire rijabosacōari, rojose mani yisere yirētosar'i ñari, ò vecajū manire sēnibosa ñagūmi. To bajiri güimenane Diore sēnito mani. ²⁰Tirūmujūma Diore yirūcūbūoriavijū sudigasero yotoriario ñañuju ti, “‘Dios ī ñarisōa’ vāme cūti sōare jājamasibeama masa” yīōrijū. To bajiro ti bajijare, ñna masune Diore sēnimasi-mena ñari, paia ujū ī sēnibosasere bojarūgūmasiñujarā ñna. Yucūrema Cristo manire ī rijabosare ti ñajare, no mani bojarijūne mani masune Diore sēnimasiaja mani. ²¹Cristo sīgūne ñagūmi ñamasugū manire sēnibosagū. To bajiro yīñagūmi ò vecajū Dios ya vijū ñacōari. ²²To bajiri, tocārācājine, “Ī bojarore bajirone yirūaja” yirā, Diore sēnirūgūrūarāja mani. “Cristo suorine manire īavariquē-nagūmi Dios” yitūōia tujamenane ĩre sēnirūgūrūarāja mani. To bajiro ĩre yisēnirāne, “Rojose ñaja manire”, yitūōiabetirūarāja mani, Dios, “Rojose mana ñaama” manire ī yīñajare. “Manire rijabosayumi Jesús” yirā, oco rāca ñna bautizacana ñaja mani. ²³Cristo oca mani buesucacire ajitirūnū tujabetirūarāja mani. “Quēnaro mūare yirūcūja” Dios manire ī yirere tūōiatujabetirūarāja mani, “Yirūcūja” ī yirore bajiro yigū ī ñajare. ²⁴Mani rā-canare ĩamaicōari, quēnaro gotirūarāja mani, “Īna quēne gājerāre ĩamaicōari, variquēnase rāca ĩnare ejarēmoato” yirā. ²⁵Cristore ajitirūnūrā ñari, rējarūgūroti ñaja, manire. Gājerā rējarūgūboariarā ñna rējatujarore bajiro bajibetiroti ñaja, manire. Rējacōari, “Cristore ĩre ajitirūnū tujamenasa” yirā, quēnaro gāmerā gotirūgūrūarāja mani, “Yoaro me ejarūaroja rojose yirāre Dios ī ĩabeserirūmū” yimasirā ñari.

²⁶Cristo ocare masiriarā ñaboarine, tire ajitirūnū tū-jacōari, rojosejūare mani yicōa ñajama, manire yirē-tobosabetirūcūmi Cristo. ²⁷To bajiri, rojose manire

ĩ yiro tire tuoŋagũirã rĩne, Dios masare ĩ ĩabeserirũmu ti ejaro, “Yũa mũ me ñaja mu” ĩre yirã rãca rojose tãmuotujabetiriaroju vaborãja mani. ²⁸ Tirũmũju Dios ĩ rotimasirere sīgũ tire ĩ cãdibetijama, ado bajiro bajimasĩnju: Juarã ñacõari, “Rojose yimi” ĩre yirã ĩna ñajama, ĩre ĩamaimenane, Dios ĩ rotiriarore bajirone yirã, ĩre sãmasasiñujarã ĩna. ²⁹ To bajiro bajimasire ti ñajare, yucũrema mame ĩ vasoarere ajitirũnũriarã ñaboarine, “Dios macũ me ñarimi Jesús; manire rijabosabetirimi” ĩna yijama, ĩnare maigũ Esp'iritu Santore rojose ñagõrã yirãma. To bajiri bũto rojose tãmuorũarãma. “Manire rijabosabetirimi Jesús” ĩna yise ti ñaboajaquẽne, ĩ rijabosare sũorine, “Rojose ĩna yisere masiriocõari, quẽnaro yirũcũja yũ” masare Dios ĩ yimasiriarore bajirone bajiyuja. ³⁰ Rojose ĩna yise vaja bũto rojose ĩna tãmuorotire masiaja mani, Dios ado bajiro ĩ gotirere masa ĩna ucamasire ti ñajare: “Yũne ñaja masa rojose ĩna yise vaja rojose ĩnare yirocũ. Yũ sīgũne riojo tire yimasigũ ñaja yũ”, yigotiaja. Gajeye quẽne, ado bajise gotimasĩnumi Dios: “Yũ ñaja yũ yarã rojose ĩna yijama, ĩnare rojose yirocũ”, yigotimasĩnumi Dios. ³¹ Caticõa ñarũgũroco, Dios, rojose yirãre ĩajũnisinicõari, rojose ĩnare ĩ yiroti, gũiose masu ñarũaroja ti.

³² Dios ĩ ejarẽmose rãca Cristore mũa ajitirũnu sũocaire tuoĩamasĩña mũa. ĩre ajitirũnũrã mũa ñajare, gãjerã cojoi me mũare rojose yicama ĩna. To bajiro mũare ĩna yiboajaquẽne, ĩre ajitirũnũcõa ñarũgũcaju mũa. ³³ Masa ĩna ĩaro rĩjoroju mũare ajatud'icama ĩna. To yicõari, mũa babarãre ĩna ajatud'iro ĩacõari, “Yũa rãcana ñaama”, ĩnare yĩĩamaicaju mũa. ³⁴ Cristore ajitirũnũrãre ĩna tubiberiarãre quẽne, “Yũa rãcana ñaama”, ĩnare yĩĩamaicaju mũa. To bajiro yirã mũa ñajare, rojose mũare yicama gãjerã. Cristore ajitirũnũcana mũa ñajare, gãjerã

mua tujū ejacōari, mua gajeyeūnire ěmacama ĩna. To ĩna yiboajaquēne, Cristore ajitirūnarā ñari, “Dios ĩ gotiriarore bajirone, ĩna ěmase rētoro quēnase ñacōa ñarotire bɔjaruarāja mani, Dios ĩ ñarojua”, yivariquēnacaju mua.

³⁵ To bajiro mua yituoīacatore bajirone bajiruroja. To bajiri, Cristore ĩre ajitirūnu tujabetiruarāja mua. ³⁶ Rojose tāmūboarine, ĩre ajitirūnucōa ñaña mua. To bajiro mua bajijama, Dios ĩ bojarore bajiro yiriarā mua ñajare, Dios ĩ gotiriarore bajirone ō vecaju quēnaro muare yirucami. ³⁷ To bajiro bajiroti ti ñajare, ado bajiro gotiaja Dios ocare masa ĩna ucamasire:

“Yū cōarocū Cristo yoaro meaca ejarucami. ‘To cōrone ejarucaju mu’ yū yirocatorore bajirone ejarucami.

³⁸ ‘Rojose magū ñaami’ yū yīavariquēnagū, ‘Ĭ yirore bajiro yigū ñagūmi’ yūre yituoīagū ñari, bajirocacōari bero yū tujū quēnaro ñacōa ñarūgūrocū ñagūmi. To bajiboarine, yūre ajitirūnu tujagurema, ĩre ĩaquēnabetirucaju yū”, yigotiaja Dios ocare masa ĩna ucamasire.

³⁹ To bajise Dios ĩ gotimasire ti ñaboajaquēne, manijama, Cristore ĩre ajitirūnu tujarona me ñaja mani. To bajiri, “Manire rijabosayumi Cristo” yituoīarā ñari, rojose tāmūotujabetiriaroju vabeticōari, Dios tujū quēnaro ñacōa ñarūgūrona ñaja mani.

11

Diore mani ajitirūnu tujabetiroti queti

¹ “Ĭ yirore bajiro yigū ñagūmi” Diore ĩre mani yituoīajama, ado bajiro bajiaja: “Muare ĩsirucaju yū” manire ĩ yijama, “Bɔjaruarāja mani”, yituoīaroti ñaja. “To bajiro masu bajiaja” Dios ĩ yijama, maji tire ĩabetiboarine, “To bajirone bajiroja”, yituoīaja mani. ² Mani ñicua to bajiro Diore ĩna tuoīajare, ĩnare ĩavariquēnamasiñumi Dios.

³ “Í yiore bajiro yigu ñagũmi” Diore ãre yituoĩarã ñari, ado bajise yimasiaja mani: “ ‘Ruyuaya’ Dios í yiore bajirone bajimasiñuju, adi macarucuroaye, õ vecaye quẽne”, yimasiaja mani. To bajiro í yire ti ñajare, í rujeoroto rĩjorojuma, manirũgũmasirere ãrũgũaja mani, adi macarucuro ñasere.

⁴ “Í yiore bajiro yigu ñagũmi”, Diore ãre yituoĩagũ ñamasiñuju mani ñicũ Abel ñamasir'i. To bajiro Diore tuoĩagũ ñari, ãre rũcũbuogu, Dios í bojarore bajiro yigu, vaibucure soemumasiñuju. To bajiro í yijama, í gagũ Ca'in rẽtoro quẽnaro Diore rũcũbuogu yimasiñuju. To bajiri, Diojuma, “Rojose magũ ñaami”, ãre yĩamasiñuju Dios. Abel ñamasir'i tirũmũju í bajirocare ti ñaboa-jaquẽne, í yimasiriarore bajiro mani quẽne Diore mani rũcũbuorũajama, Dios í bojarore bajiro yirũcũbuoroti ñaja manire.

⁵ “Í yiore bajiro yigu ñagũmi”, Diore ãre yituoĩagũ ñamasiñuju Enoc ñamasir'i quẽne. To bajiro Diore tuoĩagũ í ñajare, “Yũ bojarore bajiro yigu ñaami” ãre yĩavariquẽnagũ ñari, í bajirocabetone, ãre ãmicoamasiñuju Dios. To bajiri, ãre bujabetimasiñujarã masa. To bajirone gotiaja Dios ocare masa ãna ucamasire. ⁶ Ado bajiro tuoĩarã ñari, Diore sẽniaja mani: “Dios ñagũmi” yimasicõari, “ ‘Yũre ejarẽmoña’ ãre yisẽnirãre quẽnaro yami” yituoĩarã ñari, sẽniaja mani. To bajiro mani yijama, “Í yiore bajiro yigu ñagũmi” Diore yirã yaja. “Í yiore bajiro yigu ñagũmi” Diore ãre mani yituoĩabetijama, manire ãvavariquẽnabecũmi Dios.

⁷ “Í yiore bajiro yigu ñagũmi”, Diore ãre yituoĩagũ ñamasiñuju Noé ñamasir'i quẽne. Ado bajiro ãre yimasiñuju Dios: “Masa ñajedirore ruureajeocõarucũja yũ. To bajiri, cũmua jairica quẽnoña mũ, ‘Rujarobe’ yigu”, ãre yimasiñuju Dios. To bajiro í yijare, bajirotire masibeti-

boarine, “Í yirore bajiro yigu ñagũmi” Diore ãre yituoĩagũ ñari, ĩ gotirore bajirone yigu, cũmua jairicare quẽnomasiñuju Noé. To bajiri ĩ yarã rãca Noé ĩ rujaborotire ĩnare yirẽtobosamasiñuju Dios. To bajiboarine, gãjerãrema ĩ rãcana ñaboariarãre, “Í yirore bajiro yigu ñagũmi Dios” yituoĩamena ĩna ñajare, ĩnare yirẽtobosabetimasiñuju Dios. Noéũarema, “Í yirore bajiro yigu ñagũmi” yure yituoĩagũ ĩ ñajare, “Yũ ĩavariquẽnarã rãcagu ñaami, ĩ quẽne”, Noére ãre yimasiñuju Dios.

⁸ “Í yirore bajiro yigu ñagũmi”, Diore ãre yituoĩagũ ñamasiñuju Abraham quẽne. To bajiri, “Mũ ñarimacare to cõrone vaveoya mũ. Mũ ñaroti sitare mũre ıjorucıja yũ”, ãre yimasiñuju Dios. “Í yirore bajiro yigu ñagũmi” Diore ãre yituoĩagũ ñari, Dios ĩ rotisere ajicõari, vacoamasiñuju ĩ, ĩ ñarotire masibetiboarine. ⁹ Gãjerã ye sita ti ñaboajaquẽne, “Adi sita mũre ıjorucıja” Dios ãre ĩ yire ñajare, “Í yirore bajiro yigu ñagũmi” Diore ãre yituoĩagũ ñari, cojoju me viriaca bũacõari, ñacudirũgũmasiñuju Abraham. ĩ bajimasiriarore bajirone ñacudimasiñujarã ĩ macũ Isaac, ĩ jãnami Jacob quẽne “Adi sita mũare ıjorucıja yũ” Dios ĩnare ĩ yire ñajare. ¹⁰ To bajiboarine, variquẽnagũ ñacudimasiñuju Abraham, “Õ vecaju Dios ĩ quẽnorã macare quẽnaro ñacõa ñarũgũrucıja yũ” yituoĩagũ ñari.

¹¹ To bajicõari, Abraham manajo Sara, bũcũo rĩa magõ ñamasiñuju so. ĩ quẽne bũcũ ñamasiñuju. To bajiboarine, “Í goticatore bajirone yirucũmi Dios” yituoĩagũ ñari, Dios ĩ ejarẽmojare, macũ cutimasiñujarã ĩna. ¹² To bajiri, “Bũcũacoar'i ñaboarine, macũ cuticõari, jãjarã jãnerabatia cutirocũ ñamasiñumi. Jãjarã ñocõa ñarãre, mani cõãjeobetore bajiro, to yicõari, jare mani cõãjeobetore bajiro jãjarã jãnerabatia cutirocũ ñamasiñumi Abraham”, yimasãja mani.

¹³ Abraham, Isaac, Jacob quẽne, “Í yirore bajiro yigu

ñagūmi”, Diore ĩre yituořariarā ñamasiñujarā ĩna, ĩna catiřaro cōrone. Dios ĩ gotiriarore bajiro ĩnare ĩ yibeti-boajaquēne, “Ī yiore bajiro yigu ñagūmi”, ĩre yituořacōa ñamasiñujarā ĩna. “Yū bajirocaro berojū yure ĩ goticatore bajirone yure yirucumi”, yituořarā ñamasiñujarā ĩna. To bajiro bajirā ñari, “Mware ũjorucuja yū” Dios ĩ yire sitajū ñacudiñarā, ti sitanare ado bajise ĩnare gotimasiñujarā ĩna: “Adi sitajure yoaro ñabetiruarāja yua”, ĩnare yigotimasiñujarā ĩna. ¹⁴ To bajise ĩna yijama, “Gajeye sita ĩna ñacōa ñarotire tuořarā yiriarāma ĩna”, yimasija mani. ¹⁵ ĩna vadiveoria sitare tuořarā ĩna yijama, quēna ti sitajure ñarā, tudicoaboriarāma ĩna. ¹⁶ To bajiro ĩna tuořajama, ĩna vadiveoria sita tuořarā me yiyuma. ĩna vadiveoria sita rētoro quēnari sita ō vecaju Dios ĩ ñarojū varua tuořarā yimasiñujarā ĩna. To bajiro tuořarā ĩna ñajare, “Yune ñaja ĩna rucubuoḡu; yū yarā ñaama ĩna”, yivariquēnamasiñuju Dios. To bajiro yigu ñari, ĩna ñaroti macare ĩnare quēnobosayumi.

¹⁷⁻¹⁸ “Ķ ‘Socū mene ĩ yiore bajiro yigu ñagūmi’ yure yituořagū ñati?” yimasirū, ĩre rucubuořā, vaibucure ĩna soemuořiarore bajiro yigu, ĩ macū sīgū ñagūre sīarotimasiñuju Dios. “Isaac suori jājarā jānerabatia cutirucuja mū” Dios ĩ yire ti ñaboajaquēne, “Mū rotisere yibetirucuja”, yituořabetimasiñuju. ¹⁹ “Bajireariarāre ĩnare tudicatiomasigū ñagūmi Dios” yituořagū ñari, “Yū macure yū sīacōajaquēne, catiocōarucumi” yituořagū ñari, ĩre ĩ sīaguadijune, “Īre sīabeticōaña” Dios ĩ yijare, ĩre sīabetimasiñuju. To bajiro ĩ yire ti ñajare, “Rijacoaboarine, tudicatigure bajiro ĩre ĩamasiñuju Abraham”, yimasija mani.

²⁰ “Ī yiore bajiro yigu ñagūmi”, Diore ĩre yituořagū ñamasiñuju Isaac ñamasir'i quēne. To bajiro Diore tuořagū ñari, ĩ rīare ado bajiro ĩnare gotimasiñuju, Jacob, Esaúre

quêne: “Í gotiriarore bajirone quênaro mũare yirucumi Dios”, yimasiñuju.

²¹ “Í yimore bajiro yigu ñagũmi”, Diore ãre yituoĩagũ ñamasiñuju Jacob ñamasir'i quêne. To bajiro Diore tuoĩagũ ñari, ã bajirocaroto rĩjoro, ã macu José rĩare, “Quênaro mũare yirucumi Dios”, ãnare yimasiñuju ã. Bucu ñari, rũgõĩmabetiar'i ñaboarine, ã tueriu suorine vãmũrũgõcõari, Diore rucubũomasiñuju ã.

²² “Í yimore bajiro yigu ñagũmi”, Diore ãre yituoĩagũ ñamasiñuju José ñamasir'i quêne. To bajiro Diore tuoĩagũ ñari, ã bajirocaroto rĩjoro, ã yarãre Israel ñamasir'i jãnerabatiare ado bajiro ãnare gotimasiñuju: “Adi sita Egipto sitare vaveoruarãma ãna, mũa jãnerabatia. ãna vajama, yũ gõare juacõari, Canaán vãme cuti sitaju yujeruarãma ãna”, yimasiñuju.

²³ “Í yimore bajiro yigu ñagũmi”, Diore ãre yituoĩarã ñamasiñujarã Moisés ñamasir'i jacu, ã jaco quêne. To bajiro Diore tuoĩarã ñari, Moisés ã ruyuario bero, idiarã muijua ãre yayiocũomasiñujarã ãna, “Quênagũaca sũcare manire ãsi-ami Dios” yirã. To bajiri egipcio masa uju, Israel ñamasir'i jãnerabatiare rĩamasa ãmũare ã sãarotiboajaquêne, ãre gũimena ñari, ã rotirore bajiro yibetimasiñujarã ãna.

²⁴ “ ‘Yirucuja’ ã yimore bajiro yigu ñagũmi”, Diore ãre yituoĩagũ ñamasiñuju Moisés ñamasir'i quêne. To bajiro tuoĩagũ ñari, bucucacu, Egipto sita uju maco so masor'i ñaboarine, “Egipcio masure bajiro bajigu ñaami” masa ãna yirucubũosere bojabetimasiñuju Moisés. ²⁵ Ado bajiro tuoĩagũ ñari, tire bojabetimasiñuju ã: “Adi macarucuroju yũ catiñaro cõro egipcio masa rãca yũ bojarore bajiro yũ yijama, yũ rijato beroju quênabetoja ti. To bajiri Israel ñamasir'i jãnerabatia Dios yarã rãca baba cutirucuja yũ, egipcio masa yũre quêne rojose ãna yiroti ti ñaboajaquêne”, yimasiñuju Moisés ñamasir'i. ²⁶ Ado bajiro

tuoĩagũ ñari, to bajiro yimasiñuju Moisés: “Egipto sitana ñna cuose jairo vaja cuti rëtoro ñamasuse ñaja, Cristo ï ejaroti Israel ñamasir'i jānerabatia ñna gotisejuama”, yituoĩacõamasiñuju. To bajiri, “Ñna rāca yu ñajare, egipcio masa rojose yure ñna yiboajaquēne, quēnacõaruaroja”, yituoĩacõamasiñuju Moisés. To bajiro ï tuoĩajama, ï rijato bero, “Cristo suorine quēnaro yure yirucumi Dios” yituoĩagũ yimasiñuju.

²⁷ Egipcio masa ujũ ï jūnisinistere güigu me, ti sitare vaveomasiñuju Moisés. “Ï yirore bajiro yigu ñagũmi Dios” yituoĩagũ ñari, Diore ïre ïabetiboarine, ï bojarore bajiro ï yirotire masicõari, vacoamasiñuju. ²⁸ “Ï yirore bajiro yigu ñagũmi Dios” yituoĩagũ ñari, Israel ñamasir'i jānerabatiare “Dios ï rotirore bajiro Pascua boserũmu yito mani” yigu, oveja sīar'i ri'ire cojovi ruyabeto sojerire turotimasiñuju. Tire ñamasicõari, Israel ñamasir'i jānerabatia ñna rīa cutisuararāre “Dios ï cõagũ ángel, sīagũ sājabeticõato” yigu, yimasiñuju Moisés ñamasir'i.

²⁹ “Ï yirore bajiro yigu ñagũmi Dios”, yituoĩarā ñamasiniñarā Israel ñamasir'i jānerabatia quēne. To bajiro Diore tuoĩarā ñari, Diore ajitirũnucõari, moa riaga Oco Sūarisa vāme cutiyare jēamasiñujarā. Dios ï masise suori “Riagare jēato” yigu, oco mano ï yibosajare, carari maare jēamasiñujarā ñna. To bajicõari, egipcio masa ñnare tuoruarā, suyājēamasiboayujarā. Ñna jēaejabetone, ruureacõamasiñuju Dios.

³⁰ To bajiro ñna bajimasiriaro bero, Israel ñamasir'i jānerabatia Jericó vāme cuti macare ēmaruarā, ti macare ñna matariacũni suyarojuare ejacõari, cojomo cõoro jua jēnitarirācarũmuri rūja gānibiarũgũmasiniñarā ñna. To bajiro ñna bajirone, “Ï yirore bajiro yigu ñagũmi Dios” yituoĩarā ñna ñajare, ti maca matariacũni cague vējacoamasiñuju ti. ³¹ Ti macago Rahab vāme cutigo, ũmware ajeriarā

cuticōari, vaja sēnigō ñaboarine, “Ī yiore bajiro yigu ñagūmi Dios”, yituoīagō ñamasiñuju so. To bajiri Israel ñamasir'i jānerabatia juarā ĩarudirimasa ejarāre quēnaro ĩnare yimasīñuju so. Quēnaro ĩnare yirio ñari, so ya macana Diore ajirūcububetiriarā rāca rijabetimasiñuju.

³² Jēre jairo mūare gotibū yū. Tire bajiro Diore tuoīamasiriarā jediro ĩna bajimasirere yū ucajama, yoaro ucabogūja yū. Gedeón, Barac, Sansón, Jefté, David, Samuel, to yicōari, Diore gotirētobosariarā jediro ĩna bajimasirere quēne ucabogūja yū. ³³ ĩna quēne, “Ī yiore bajiro yigu ñagūmi Dios” yituoīarā ñari, gaje sitana rāca ĩna gāmerā sīajama, ĩnajua rīne, ĩnare sīacōarūgūmasiñujarā ĩna. Gājerāma, quēnaro masare rotimasiñujarā ĩna, ĩna yarāre, “Quēnaro gāmerā yato” yirā. Gājerāma, rojose tāmūorā ñari, “Yūare ejarēmoña” yirā, Diore sēnimasīñujarā ĩna. To ĩna yijare, ĩ gotiriarore bajirone ĩnare ejarēmomasiñuju Dios. Gājerārema, “Ī yiore bajiro yigu ñagūmi” Diore ĩna yituoīajare, “Yaia, león vāme cutirā ĩnare babeticōato”, yiyumi Dios. ³⁴ Gājerāma, jeame buto ũjuroju ĩna reatīariarā ñaboarine, ũabetimasiñujarā. Gājerāma, ĩnare ĩaterimasa jariaseri rāca ĩna sīarūasere ĩacōari, rudimasiñujarā. Gājerāma, tīmabetiboariarāne, Dios ĩnare ĩ ejarēmojare, tīmarā ñacoasujarā ĩna. To bajiri, ĩnare ĩaterā sīarā ejarāre ĩnajua rīne sīareacōarūgūmasiñujarā. ³⁵ Rōmia quēne, “Ī yiore bajiro yigu ñagūmi” Diore ĩre yituoīarā ñari, bajireacoanare Dios ĩ masise sūori ĩ catorāre yarā cutiyujarā.

Gājerāma, “Ī yiore bajiro yigu ñagūmi Dios” yituoīarā, ado bajiro bajiyujarā: ĩnare ĩaterimasa ĩnare ñejecōari, “Dios ocare mū ajitirūnū tūjabetijama, mūre sīarūarāja yūa”, ĩnare yigotiyujarā ĩna. To bajiro ĩna yiboajaquēne, “Ī yiore bajiro yigu ñagūmi Dios” yirā, ĩnare gūimenane, ado bajiro tuoīañujarā ĩna: “ĩna sīacōajaquēne, tudicat-

icōari, Dios tuj̄u rētoro quēnaro ñaruarāja mani”, yituoīa-masiñujarã ñna. To bajiro yirã ñna ñajare, ñnare siacōañujarã. ³⁶ Gãjerã quēne, “Ī yirore bajiro yigũ ñagũmi Dios” yituoīarã ñnari, ado bajiro rojose tãmuoñujarã ñna: Ñnare ajatud'icōari, ñnare bajeyujarã. Gãjerãrema, ñna ãmorijũ cōmemarine siacōari, tubibecũñujarã ñna. ³⁷ Gãjerãrema, gũtane ñnare reasĩañujarã. Gãjerãrema, ñna rujũ gũdarecone yijetasĩacōañujarã. Gãjerãrema, jariaseri rãca ñnare saresĩacōañujarã ñna. Gãjerãma, sudi manijare, vaibucugasene sãñañujarã. To bajicōari ñna ñaroti maca bũjamenane, maioro rojose yiecocudirũgũñujarã ñna. ³⁸ “Ī yirore bajiro yigũ ñagũmi Dios”, yituoīarã ñañujarã ñna. Dios ĩ ñamairã ñaboarine, gãjerã ñna ñaterã ñnari, ñna ñaroti bũjamenane masa manojũ, gũtayucuri vatoajũ gũtavirijũ ñnacudiyujarã ñna.

³⁹ Rojose tãmuoriarã muare yũ gotirã, jediro ñañujarã “Ī yirore bajiro yigũ ñagũmi Dios” yituoīariarã. To bajiro Diore tuoīarã ñnari, “Manire ñavariquēnagũmi Dios”, yituoīañujarã ñna. To bajise tuoīarã ñaboarine, nijũane “Quēnaro yirucũja yũ” Dios ĩ yirere yiecobesuma maji. ⁴⁰ Ñna tuoīase rētoro quēnase ĩ yirũajare, to bajiro bajiyuma maji. To bajiri, yucũrema, mame Dios ĩ vasoase ñajare, ñnare, manire quēne, “Rojose mana ñaama”, yĩagũmi Dios.

12

“*Cristore ajitirũnucōa ñarũgũruarāja mani*”, yire queti

¹ To bajiro mani ñicua ñna bajirere mani ajijama, “ Ī yirore bajiro yigũ ñagũmi’ Diore ĩre yituoīacōari, quēnaro ĩre ajitirũnuñuma ñna”, yimasiaja mani. To bajiri josase ti ñaboajaquēne, mani quēne, Diore ajitirũnu tũjabeticōato mani. Mani tuana rojose manire ñna yirotijama, ñnare cudibetiruarāja mani, “Īna sũori Dios ĩ bojabeti yirobe”

yirã. Jesucristo, adigodoju ñagũ Diore ï ajitirũnũriarore bajiro mani quẽne Diore ajitirũnũcõa ñarũgũrũarãja. ² Cristore tuoĩatũjabetiroti ñaja manire. Ñne ñaami mani tuoĩamasirotire cõagũ. To bajiri, manire ï ejarẽmojare, “Ï yirore bajiro yigu ñagũmi Dios”, yituoĩa tũjabeaja mani. Yucútẽroju masa ãre ñna jajuturo, buto rojose tãmuogũ ñaboarine, Dios tũju quẽnaro ï ñarotijũare tuoĩagũ ñari, ãre ñna yirotire, “Yĩbeticõato”, yibesumi. To bajiri manire rijabosacõari, yucurema, õ vecaju Dios ï rotiñaroju ï riojojacatua rũcũbuorijare rujigu ñagũmi.

³ Jesús adigodoju ï ñaro, buto rojose ãre ñna yiboajaquẽne, quẽnasejũare yicõa ñaũumi. To bajiri mani quẽne, rojose tãmuorã ñaboarine, quejemenane, quẽnasejũare yicõa ñarũgũroti ñaja. ⁴ Jesucristo rojose ï tãmuoriarore bajiro tãmuomenaja mua maji. To bajiri, rojose tãmuorã ñaboarine, ñacõarãja mua. ⁵ Diore ajitirũnrã ñari, ï rĩare bajiro bajirãre, “Rojose tãmuorã ñaboarine, ‘Ï yirore bajiro yigu ñagũmi’ yũre yituoĩa tũjabeticõato ñna” yigu, muare gotimasioñumi. Tire masiritirãja mua. Ado bajise gotiaja ti Dios ocare masa ñna ucamasire:

“Macũ, ‘Ado bajirojũa yiya’, mũre yũ yisere ajitebesa. Rojose tãmuogũ ñaboarine, yũ bojarore bajiro yicõa ñaña.

⁶ Yũne ñna jacure bajiro bajigu ñari, yũ mairãre, ‘Ado bajirojũa mua yijama, quẽnarũaroja’ ñnare yirũgũaja yũ”, yigotiaja Dios ocare masa ñna ucamasire.

⁷ To bajiri, rojose tãmuoboarine, “Ï yirore bajiro yigu ñagũmi Dios”, yituoĩa tũjabesa mua. Rojose mua tãmuose sũorine quẽnaro muare ï yirotire masiogũ yigumi Dios. Sĩgũ ï rĩare ï gotimasiorore bajiro yigu, yigumi Dios, “Yũ bojarore bajiro yirã ñato” yigu. Rĩa cutirã jedirone, ñna rĩare gotirũgũrãma. ⁸ To bajiri, Dios quẽne, “Yũre

ajitirũnũrã ñari, yũ rĩare bajiro bajirã ñaama” yigũ, ñnare gotimasiorũgũami Dios. To bajiro mũare Dios í yibeti-jama, jacũ manare bajiro ñaborãja mũa. ⁹ Mani jacũa, manire ñna yirere tuoĩato mani. Rĩamasaca mani ñnaro rojose mani yijare rojose manire yiriarãma ñna, “Yũa bojarore bajiro yirã ñato” yirã. To ñna yirore ajirũcũbũoriarãja mani. To bajiri Dios quẽne, “Yũre bajiro quẽnaro yirã ñato” yigũ, rojose mani yijare, rojose manire í yijama, bũtobũsa ñre ajirũcũbũoroti ñaja manire. Ñre mani ajirũcũbũojama, mani rijato bero, tudicaticõari, í rãca quẽnaro ñnacõa ñnarũgũrũarãja mani. ¹⁰ Mani jacũa, ñna gotimasiojama, ñna yimasiro cõro manire gotimasioriarãma ñna. Diojũama, masijeogũ ñari, “Ado bajirojũa ñna yijama, quẽnaja”, yimasigũ ñnagũmi. To bajiro yigũ í ñajare, yucũrema rojose tãmũoboarine, quẽnaro ñre mani ajirũcũbũo tũjabetijama, ñre bajiro quẽnaro yirã ñnarũarãja mani. ¹¹ Rojose mani yise vaja “Rojose tãmũoato ñna” yigũ, Dios rojose manire í yijama, sũtiritirãja mani. Rojose mani tãmũosere tuoĩacõari, “Ado bajise manire yimasio-gũ yigũmi Dios” mani yituoĩamasijama, í bojarore bajiro yiroti ñaja. To bajiro mani yijama, quẽnaro ñnarũarãja mani.

“Dios ocare mani ajitirũnũ tũjajama, gũiose ñaja”, yire queti

¹² To bajiri, “Dios manire í gotiriarore bajirone quẽnaro yirũcũmi” mũa yituoĩa sũocatore bajiro yituoĩañna mũa quẽna. Tire tuoĩacõari, mũa yimasiro cõrone Diore quẽnaro ñre ajitirũnũña mũa, “Ñnãjedi-ro Dios í gotiriarore bajirone quẽnaro manire yato” yirã. ¹³ To bajiri, Dios í bojasere yirũarã, quẽnaro tuoĩañna mũa. Quẽnaro tuoĩacõari, í bojarore bajiro mũa yijama, mũa babarã quẽne Cristore bũtobũsa ajitirũnũrũarãma ñna.

¹⁴ Mũa jediro, quẽnaro gãmerã yirũgũruarãja mũa, “Quẽnaro ñacõari, bũtobũsa Dios ï bojarore bajiro yirã ñato mani” yirã. To bajiro mũa yibetijama, Diorãca quẽnaro ñabetirũarãja. ¹⁵ Mũa rãcana ñajedirore quẽnaro ejarẽmorũgũruarãja mũa, “Cristo suorĩ Dios quẽnaro manire ï yisere, ‘Socase ñaja’ yitũoĩaroma ñna” yirã. Socase yigũ ï ñajama, “Ï suorine Dios ocare ajitirũnu tũjacõari, ïjuare ajisũyaroma” yirã, quẽnaro gãmerã ejarẽmorũgũña. ¹⁶ To yicõari, “Gãmerã ajeriarã cutiroma” yirã, mũa rãcanare quẽnaro gotirũarãja mũa. Esaũ ñamasir'ire bajiro yibeticõaña mũa. Ï gagũ ñaboarine, bare barũne, “Yũre mũ eajama, mũ bedire bajiro bajirũcũja yũ”, ïre yimasĩũju. To yicõari, “Mani jacũ ï rijaroto rĩjoro, ‘Yũ macũ ñasũogũ ñaami’ ï yirocũ ñarũcũja mũ. To ï yirocũ ñari, ‘Quẽnaro yirũcũja’ Dios ï yirere yiecorocũ ñarũcũja mũ”, yimasĩũju Esaũ, ï bedire. ¹⁷ “Dios ocare ajirũcũbũobecũ ñañumi”, ïre yimasĩaja mani, ado bajiro ñna bajimasire ñajare: Ï jacũ ï bajirocaroto rĩjoro, “Ï gagũ ñaja mũ. To bajiri quẽnaro mũre yirũcũmi Dios”, ï jacũ ï yisere ajirũamasiboayũju Esaũ. “Jẽre mũ bedijũare gotiyũja yũ” ï yisere ajicõari, bũto otiboarine, “Quẽnaro yirũcũja” Dios ï yirere bũjabetimasĩũju Esaũ.

¹⁸ To bajiri, mame Dios ï vasoasere ajirũcũbũorã ñari, mũama, mani ñicũa ñna ñamasire ñnũre ñabesũja mũa. Ñnama, gũtaũju ñacudir'i Moĩsĩs ï rojaejaro bero, gũtaũ ti ñjũsere ñañuma. To bajicõari ti buesene rĩtiacõamasĩũju. Bũto bũjo quẽne jamasĩũju. To bajicõari, mino bũto vamasĩũju. ¹⁹ To bajiro ti bajirone, jutiria trompeta vãme cutia bũsisere ajicõari, bũto gũimasiũjuarã ñna. To bajicõari, Dios ï ocaruyũsere ajimasĩũjuarã ñna. Tire ajigũicõari, to cõrone ï ñagõtũjasere bojamasĩũjuarã ñna. ²⁰ Dios ï rotirere no bajiro yimasibetica yirã, “To cõrone ñagõtũjato”, ïre yimasĩũjuarã. Ado bajiro ñnare roti-

masiñuju Dios: “Sīgũ masu, to yicõari, vaibucu ùgũ quẽne gũtaure ï cudajama, gũtane reasĩacõaroti ñaja”, yimasiñuju. ²¹ Ìna ïamasire buto gũiose ti ñajare, Moisés ñamasir'i quẽne, “Gũigu, nanaja yu”, yimasiñuju.

²² Mani ñicua ïna bajimasiriarore bajiro bajirã me ñaja m̃ama. To bajiri, õ vecaju ñaricu gũtau joeju ñarimaca Jerusalén vãme cuti macaju Dios ñacõa ñarũgũgũ ya macaju ñarãre bajiro bajaia m̃a. To bajicõari, Dios tuana jãjarã ángel mesa rējacõari, Diore ïna rũcuburoju ñarãre bajiro bajaia m̃a. ²³ To bajicõari, “Ado cõro ñaama yu rãca ñarũgũrona” Dios ï yiucaturiarã ñari, ï tũju ñarã rãca rējãre bajiro bajaia m̃a quẽne. Masa ñajedirore ïabeserocu tũjare gũimenane ejarãre bajiro bajaia m̃a. Rojose yiriarã ñaboarine, Jesúre ajitirũnuriarã ïna ñajare, ï tũju ïna ejaro, “Rojose mana ñaja m̃a” Dios ï yĩariarã rãca ñarãre bajiro bajaia m̃a quẽne. ²⁴ To bajiri, Jesús tũju ejarona ñaja m̃a. Ìne ñaami, “ ‘Mame oca m̃are vasoarucuja yu’ Dios ï yiriarore bajiro bajiato” yigu, manire rijabosar'i. To bajiri, ï ri'i suorine, “Rojose mana ñaama”, manire yĩañumi Dios. To bajilboarine tirũmũju, Abel ñamasir'i ï s̃aecomasirejuama, “Ì ri'i suorine ‘Rojose mana ñaama’ masare Dios ï yĩaroti me ñamasiñuja”, yimasiaja mani.

²⁵ To bajiri Cristo ï rijabosare suorine mame oca Dios ï vasoarere ajitirũnuroti ñaja. Moisés ñamasir'ire Dios ï roticũmasirere cojoji me ïna cudibetijare, rojose ïnare yirũgũmasiñuju Dios, “Yitũjacõari, yu bojasejuare yato ïna” yigu. To bajiro ï yimasire ñajare, mame ï vasoasere quẽne mani ajibetijama, “Rojose manire yirucumi”, yimasiaja mani. ²⁶ Gajeyerema tirũmũju mani ñicua ñamasiriarãre gotigu, sita nũruaroju ñagõmasiñuju Dios. Ì ocare masa ïna ucamasire quẽna ï yirotere ado bajiro goti-aja: “Quẽna yinũruojama, adi macarucuroaye, õ vecayere

quêne yinurubatorucuja yu”, yigotiaja, Dios ocare masa ña ucamasire. ²⁷ To bajiro quēna Dios, “Yirucuja” ĩ yirere mani ajiama, “Adi macarucuro ñase jediro ĩ rujeore reajeocōarucumi”, yimasiaja mani. Rēmojne “Yayibetiruroja” ĩ yirujeore rīne ruyaruroja ti. ²⁸ To bajiri socase me ti ñajare, “Diore ajitirūnuriarã ña bajireajama, ĩ rotiñaroju ña caticōa ñarotire yigu, ĩ catisere ĩ ĩsiriarã ñari, ĩ rãca ñarūgūruarãma”, yimasiaja mani. To bajiro mani bajiroti ti ñajare, Diore rucuburoã, “Quēnaro yuare yaja mu”, ĩre yisēnito mani. To yicōari, ĩ bojarore bajiro yirūgūto mani, “Manire ĩajūnisinicōari, rojose manire yiromi” yirã. ²⁹ ĩ bojabeti yirãre rojose yigu ĩ ñajare, ĩ bojarore bajiro yiroti ñaja manire.

13

“*Īvariquēnato Dios*” yirã, quēnaro mani yiroti queti

¹ To bajiri adi muare gotitusaja yu: Ado bajiro yiñaña mua, “Manire ĩavariquēnato Dios” yirã. Cristo yarã ñari, gãmerã ĩamaitujabesa mua. ² Gajeroana mua masimena Cristore ajitirūnurã mua tu ña ejajama, quēnaro ĩnare yiruarãja mua. Mani ñicua quēne, gajeroana ĩna masimena ĩna ejaboajaquēne, quēnaro ĩnare yirūgūmasiñujarã ña. To yirã ñari, cojojirema ángel mesare “Dios ĩ cōariarã ñarãma” yimasibetiboarine, quēnaro yimasiñujarã ña.

³ Gãjerã Cristore ajitirūnurãre tubibe ecorãre masiritibesa mua. Mani quēne mani tubibe ecojama, “Quēnabetoja” yituoiarã ñari, ejarēmoña. Gãjerãre quēne, rojose ĩnare ĩna yijama, mua quēne ĩna rãca rojose tãmurãre bajiro ĩnare ĩamaicōari, ejarēmoña mua.

⁴ Gãmerã mua bojasere quēnaro rucuburoti ñaja. Manajo cutirã, manaju cutirã, manajo mana, manaju mana quēne gãjerã rãca ajeriarã cutibesa. To bajiro mua yijama, “Rojose tãmuruarãma”, muare yirucumi Dios.

⁵ Jairo gãjoa c̄uorua t̄uoĩabesa mua. Mojoroaca c̄uorã ñaboarine, “Jẽre ñacõaja”, yit̄uoĩacõaĩa mua. Ado bajiro Dios ĩ yirejuare t̄uoĩaĩa: “Mũre vaveobecune, mu rãca ñacõa ñarũgũruc̄uja yu”, yiyumi Dios, manire. ⁶ To bajiro ĩ yirere mani ajijama, “Soc̄u me yiyumi” yimasicõari, Dios oca ti gotirote bajiro ado bajiro yimasiaja mani:

“Dios ñaami rojose yu tãmuoro, yũre ejarẽmogũ. To bajiro rojose yũre yirãre güibeaja yu”, yaja mani.

⁷ Cristo ocare mũare gotimasiosuocana ĩna bajicature masiritibesa mua. “Ĭ yirore bajiro yigu ñagũmi Cristo” yit̄uoĩarã ñari, ĩre ajitirũnu t̄ujamenane, bajireacoacama ĩna. ĩna bajicatore bajiro, Cristore ajitirũnu t̄ujabesa mua quẽne.

⁸ Jesucristo ñagũmi t̄uoĩavasoabecu, cojojire bajiro quẽnaro yirũgũgũ. To bajiri mũare gotimasiosuocanare quẽnaro ĩnare ejarẽmor'i, manire quẽne to bajirone ejarẽmocõa ñarũgũruc̄umi. ⁹ Mũare ĩna gotimasiosucature bajiro me, ricati ĩna gotimasiosere ajitirũnubeticõaĩa mua. Ado bajiro mũare gotirũgũrãma ĩna: “‘Babetiruarãja mua’ mani ñicua ñamasiriarã ĩna yimasirere mua ajirũc̄ub̄uojama, quẽnaja”, mũare yirãma ĩna. To bajiro mũare ĩna yigotise me, ado bajiro mua yit̄uoĩarũgũsejua ñaja quẽnase: “Dios manire ĩamaicõari, manire ejarẽmoruc̄umi” mua yit̄uoĩarũgũsejua ñaja quẽnase. To bajiro mua t̄uoĩajama, b̄utobusa ĩ bojarore bajiro yirã ñarũtu-aruarãja mua.

¹⁰ Cristo manire ĩ rijabosare s̄uori Moisére Dios ĩ roticũmasirore bajiro me bajaiaja. Moisére Dios ĩ roticũmasirere ajitirũnurã, rojose ĩna yisere “Masirioato Dios” yirã, “Vaibuc̄urã soemuocõa ñaroti ñaja” yit̄uoĩarã ĩna ñajare, “Rojose mana ñaama”, ĩnare yĩabec̄umi Dios. Manijũarema, vaibuc̄u rii ĩna soemuose ũnirene yigu, Cristo ĩ rijabosare s̄uori, “Rojose mana ñaama” Dios ĩ yĩarã ñaja

mani. ¹¹ Moisére Dios ĩ roticũmasirere ajitirũnugũ paia ʘjũ ñamasugũma, vaibucũ ĩna sĩar'i ri'i ěoriabajare ămisă-jacumi, Dios ĩ ñarisõa văme cũti sõajũ, “Rojose ĩna yisere masirioato Dios” yigũ. ĩ săjatoye, vaibucũ rujũjũarema ti maca sojũajũ ămivacõari, soerocacõarăma ĩna, ĩre ĩateră ñari. ¹² To bajiro vaibucũre ĩna ĩaterore bajiro bajiyumi Jesús quẽne. Jerusalén maca sojũajũ yucũtẽrojũ jajusĩa ecoyumi, rojose mani yisere manire yirẽtobosagu. To bajiro bajiyumi, “Rojose mana ñaama” manire Dios ĩ yĩarotire yigũ. ¹³ To bajiro Jesús ĩ bajibosare ñajare, Moisére Dios ĩ roticũmasirere ajitirũnră rojose mũare ĩna yiboajaquẽne, tire ajirũcũbũo tũjacõari, mame Dios ĩ vasoarejũare ajitirũnuroti ñaja mũare. ¹⁴ To bajiro bajirũarăja mũa, adigodoayere tũoĩabeticõari, “Dios ĩ ñarimaca ñaja mani ñacõa ñarũgũroti maca” yitũoĩară ñari. “Adi macarũcũrojũrema manoja mani ñacõa ñarũgũroti maca”, yimasirăja mũa. ¹⁵ To bajiri, Jesucristo ĩ rijabosare sũori, Diorăca mani ñacõa ñarũgũroti ti ñajare, vaibucũrăre sĩacõari, ĩna soemũose ũnirene yiră, “Quẽnamasucõaja mũ” Diore yirũcũbũo tũjabetiroti ñaja, manire. ¹⁶ To yicõari, “Quẽnaro gămeră yiroti ñaja manire” yirere masiritibeticõaĩa mũa. To yicõari, mũa tũana maioro ĩna bajisere masicõari, mũa cũose ĩnare ĩsiĩa. To bajiro mũa yijama, Dios ĩ ĩavariquẽnase yiră, yirũarăja mũa.

¹⁷ Mũare ũmato ñarăre quẽnaro cũdiya mũa. “‘¿No bajiro ĩnare ĩatirũnucati mũa?’ manire yisẽniĩagũmi Dios” yimasiră ñari, tocărăcarũmũne, “Diorăca quẽnaro ñato ĩna” yiră, mũare ĩatirũnrũgũrăma ĩna. To bajiri, quẽnaro ĩnare mũa cũdijama, to bajiro mũa yisere, “Ado bajiro quẽnaro mũre ajitirũnũcama ĩna”, Diore ĩre yivariquẽnarũarăma ĩna.

¹⁸ To bajiri, “Dios ĩ bojarore bajirone yato ĩ” yiră, Diore yũre sãnibosaya. Dios ĩ bojase jediro yirũgũaja yũ.

To bajiro yigũ ñari, tuõãrejaiibecũne ñacõaja yũ. ¹⁹ To yicõari, yoaro mene quẽna mua tu yũ varotire yirã, yũre sãnibosaya mua, Diore.

“Quẽnaro mũare yato Dios”, yire queti

²⁰ “Quẽnaro ñato ñna” yigũ manire ejarẽmogũmi Dios. Ñne ñagũmi, mani ujũ Jesús manire ñ rijabosaro bero, ñre catior'i, ñre catiocõari, “Ovejare ñatirũnũgũre bajiro, yũ yarãre quẽnaro ñnare ñatirũnũrucũja mũ” ñre yir'i. Jesús ñ rijabosare suorine, “Rojose ñna yisere masiriocõari, quẽnaro yirũcũja yũ” masare Dios ñ yimasiriarore bajirone bajiyuja. To bajiro ñ yise jedibetirũaroja. ²¹ Ado bajiro Diore mũare sãnibosaja yũ: “ ‘Mũ bojarore bajiro yato ñna’ yigũ, ñnare ejarẽmoña mũ”, mũare yisãnibosaja yũ, Diore. “ ‘Jesucristo ñ ejarẽmose rãca quẽnaro yaja mua’ yivariquẽnato” yigũ, Diore mũare sãnibosaja yũ. Quẽnarẽtogũ Cristo ñ ñajare, “Quẽnamasucõaja mũ”, ñre yirũcũbuo tũjabetiroti ñaja, manire. To bajirone bajicõa ñarũgũato.

²² Mojoroaca mũare papera ucacõaja yũ. To bajiri, “Bũtobũsa, ñ yirore bajiro yigũ ñagũmi’ Cristore ñre yitũoĩato ñna” yigũ, mũare yũ gotisere quẽnaro tire ajimasiña mua, yũ mairã. ²³ Mani maigũ Timoteore ñna tubiber'ire jẽre ñre bucõañujarã. To bajiri, yoaro mene ñ ejajama, ñ rãca mua tũjũ varũcũja yũ.

²⁴ Mũare ñmato ñarimasa, to yicõari, mua rãcana Jesucristore ajitirũnũrã jediro, “Quẽnato”. “Quẽnato”, mũare yama Italia sitana quẽne.

²⁵ Dios, mũare ñamaigũ ñari, quẽnaro mũare yato ñ. To cõro ñaja.

Dios oca gotirituti

New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 8 Sep 2021 from source files dated 18 Aug 2021

b6661d38-f021-5259-8010-5dec5b9ba28d